

सूरज री मौत

अन्नाराम सुदामा

गांधी चौक री अगूणी गळी रै नुक्कड़ पर पैली हवेली सेठ शिवदयाल री है। गुंमारियां पर उठायोड़ी लाल भाठै री तिमंजली हवेली आवतै-जावतै रो ध्यान आप कांनी मतैई खींचै। पगोथिया चढ़तां ई जीवणै हाथ नै अेक बडो कमरो हो जिकै रै फर्श पर सगळै बिलान-बिलान ऊंचो गिहो, बीं पर धोळीधप सजनी, सजनी पर बिसाई ऊजळाबग्घ गोळ अर लम्बा-चौरस पांच-सात तकिया हरदम पड़्या दीसै। औ कमरो दीवानखानो बाजै।

जेठ रो महीनो। दिन री बारै-सवा बारै हुई हुसी, सेठ तांगै सूं उतर आपरै दीवानखानै में बड़्यो। मलमल रो चोळो अर मरसराईज री गिंजी पसेवै सूं आलागार अर लिलाड़ सूं चालता रींगा डोळां ढळता नीचै पड़ै हा। चोळो बण झट खूटी पर टांग दियो अर कर पंखै रो खटको नीचो, ईने देख्यो न बीनै, पसरतो ई हुयो गिहै पर। पेट तिड़ै हो, नाळ भरी ही गळै ताई, पड़तां ई बो हाथ पेट पर फेरण लाग्यो।

सेठ बरस चाळीसेक रो हुवैलो। मोटो पेट, जाडी साथळां, ओछी पींड्यां, भारी बूकिया अर रंग रो टेलीफून। जूण में मिनख, रंग अर आहार-पाणी में पाडै रा लच्छण, पर लिछमी री महर। आछी खुरचण। पसरतै ई नौकर नै हेलो मार्यो - राजाराम, ओ राजाराम !

-हां बाबू ! अर ई रै लारोलार मिंट-भर ई नहीं हुयो राजाराम सांम्हो आय ऊभो।

-बाल्टी लाकर थोड़ा टाटा छिड़को तो, और बहूजी को भी बोल देवो कि थोड़ा खाटा-सुपारी निकाळ देवै।

मिंट आठ-दसेक में टाटा छिड़कर नौकर जावण लाग्यो इतै में बीन पगलिया करती सेठाणी ई आ ऊभी। -बोलो, काई चाइजै ? उण पूछ्यो - पैलां तो सिरका सुपारीदान इन्नै, अर फेर लगा तेज चून्नै रा दो पान अकरा देख र। उण अलमारी खोल र सुपारीदान बीं आगै सिरका दियो अर फेर पान लगावण बैठगी।

छोरो कीरै ई पचास-साठ पइसा मण लकड़ी फाड़ आवै, कीरै ई दो-चार कुंडा बेकलू नांख दै। हाथ आवै तो कुंडे-कंडाई सी का और कोई छुटकर कौर-मजूरी करलै। पुरो-अधुरो पेट जिसो भरीजै बियां ई ठीक है। कदै-कणाय साव निरगो कालजै ई संतोष करणो पड़ै। अबार ऊनालो है। माड़ी-माठी कोई रुई भरावतो हुवै बो ई नहीं भरावै, हां सीयालें में नई-नई करता पेट की हंगसर भरीजै, पण डकरी की कालप सागै करै जद। बीं बिचारी नै आवै दम दोरो, तो पीलण सोरो किया चालै, तो ई मौत सूं जुझ र काया नै भाड़ो देवण हाथ-पग की चलावै बापड़ी।

काल हुसैनियो बजी च्यारेक चालीस पइसां रा सवा सौ ग्राम डंकोली भुजिया तेय र घर में बड़यो अर मां-बेट बां भुजियां में ई रात काढी। डेकोली भुजियां रा दस-बीस टुकड़ा मसल र की अघाघिगळ्या कर पेट नै भाड़ो दियो अर खटोलड़ी पर गोडा भेला कर पड़गी। दिन-भर से थक्योड़ो छोरो ई लप भुजियां पर लोटो पाणी नांख, मां कनै ई अक बोरी बिछाय र आडो हुयग्यो बीं पर।

आज च्यार बजगी दिन सी। ओजुं ई फिरै है, तालमेल कठैई नीं बैठी। झिगदर दोवटी से मैलो-सी चोळियो, कारयां लाग्यो खाखी जांधियो, लूखा अर मैल सूं करड़ा, ओछा ऊमा केस, हाथ में टाट से अक थलियो, बींमै तीन-चार टांकी अर अक हथोड़ी घाल्यां बो हेला भारतो फिरै-कोई लकड़ी फड़वावो तो, कोई लकड़ी...। पण ओजुं कोई नीं टकरयो। दिनगै अक कंदोई सूं भेट हुयग्या हा। लक्कड़ तीस कीलै सूं कम नहीं हो। बात आताना मण में तय हुई ही। लकड़ी कर र जद बो छेड़े हुयो तो हलवाई बींनै पन्द्रह पइसा झलावण लाग्यो। छोरो बोल्यो-इता ई कियां देवो हो ? घंटो भर लागगयो म्हनै, देखो फाला हुयग्या हाथां रै।

-इसो अभीर हो तो घरै ई कयों रह्यो नीं ? लकड़ी फाड़सी बीरै तो फाला ई हुसी।

-तो लक्कड़ कांई बारै-तेरै कीलो रो ई हुतो ?

-तो हो ऊठ-दो ऊठ रो ? तेवै तो लै, नी तो औ रस्तो पड़्यो पार बोल। छोरो मूं लटकायां हो जियां ई खड़ो रह्यो। पसीनै रा टोपा रह-रह डोळां सूं पड़ता चोळै पर चुसै हा, खड़ो-खड़ो बो अकटक बीं कानी देखै हो।

मिट दो-अक बाद हलवाई पांच-पइसा और भेळ, की चिंड र बोल्यो - लै बल आगाड़ो ई। मल्ले म्हारी टुकान कानी मूंडो कर लियो तो तूं थारी जाणै है।

-सभा ई इयां कांई करो हो, च्यारानी तो पूरी करो।

बो लाल-पीळो हुय र बोल्यो- हां, आकां रै लागै है पइसा। च्यारानी रो मनकारयोड़ो, लेवै तो लै, नी तो पड़ कुवै में - कर दै शिकायत करै जतै।

छोरै, ईनै-बींनै निजर पसारी, कोई सहारो देवै तो पण भैंस भैंस सी सगगी,

दिगंलां सी बस्ती में गामैवालो कठै ? बटै तो पांच-सात हलवाई ई हा कनै-कनै। उण सोख्यो - थारी पांच-पइसां सी पंचायती में किसो स्याणो पड़सी अर काल भल्ले आणो ईनै। मन मार, मित्या बै ई तेय र टुरग्यो पण अबै बीरी भल्ले फिरण सी सरधा कम ही। की हो रात रो भूखो, अर की ही तिडकी अकरी। बीस पइसां रो कांई लेवूं ? सोचै हो का सामनै अक खूमचैवालो दीखग्यो। छोटी-छोटी दो कचोली बै ई बासी अर खांडी-खोरी, तेय र टुरग्यो - मां अर आप खातर। बींसुं जी सोरै रो अक गब्बो ई नीं हुयो बीरो। पड़ग्यो पाणी पी र। मां बोली - लाइसर आं सूं किसो पेट भरील्यो आपणो ? आटो जे पाव ई लावतो तो की आधार ई आवतो अर गुटको पाणी ई भांवतो।

-सिझ्या लागूं मां। अबार तो बीस ई पइसा हाथ आया।

-लागै भाई, आज दो दिन हुयग्या, भुजिया-कचोळ्यां सूं न तो भूख ई बुझी अर न जी सोरो ई हुयो।

बो कीं नीं बोल्यो। बोरी पर आडो हुयग्यो। फिरतो-फिरतो थक्योड़ी तो हो ई, आख लागगी। सिंझ्या च्यारेक बजी भल्ले निकळ्यो। अक भट्टी सी राख काढी बण, दस पइसा मित्या, तेय र बो आगै निकळग्यो जुंवी टोह में, पण छव बजी तांई किणी बीरै सांझो ई नीं देख्यो। मन में तो उण धार राखी ही कै आज दो-चार सेटी रो आटो जरूर ले जाणो है। जे दस-पांच पइसा ऊबरग्या तो च्यार आलू ई ले लेसूं, उबाळ र दो कांकरा लूण रा नाख, चरकै पाणी सगै सेटी चपो लेसां। मां ई सेटी की सावळ चिगळ लेसी, सोचतो ईनै-बींनै आंख्यां फाड़ै हो, पण दिन-भर से थक्योड़ो सूरज ज्यूं-ज्यूं आधूणी दिस ढलै हो बियां-बियां बीरै कालजै निरास अंधकार गाढीजै हो। बो उज्यो, कनली पौ में अक लोटो पाणी पियो। मरतै नै भावै तो क्यारो हो, तो ई पी लियो। पेट में डीक बंधगी। सोख्यो - अकर दस पइसां रा खुणच-खंड चिणा तेय र च्यासूं आंख्यां आडा तिरवाळा आवै है, पण ई पूरा साचा नीं पड़ै। जे लकड़ी फाड़नी पड़ी कठैई तो ताबै आणी ई मुश्किल है। चिणा लेवण नै उज्यो तो अक सवाल भूत बण र बीं सी आंख्यां आगै आ खड़ो हुयग्यो कै की और पइसा मल्ले नीं पड़्या अर आंरा खा लिया चिणा तो मां खातर कांई ले जासी ? दो दिनां सूं बा ई भुखी-सी है। आटै रो कह्यो हो उण पण ई हिसाब पट्टी बैठणी मुश्किल लागी। तीस पइसा आ हुवै जद हुवै मनघीती। मन भारी हुयग्यो। चिणा लेवण से बिचार उर्ण टाळ दियो। बो आगीनै टुरग्यो। पांवाडा दसेक राख्या हुसी का गैरु सी हांड्यां से ठेकैवार यासीन मिलग्यो। बोल्यो - छोरा, ब्याह में अक जागा गैस सी अक हांडी तेय र चालणो है, बोल ?

-चालसूं परो। कांई देसो ?

-देसूं कांई हाथी-घोड़ा, आठानी अक है, बा ई सूकी।

—छोड कद-सीक देसो ?

—सवा-डौढ़ घंटो तो लागे ई तो।

—तो चालो। अर वो बीरै लारै टुरगयो

आठ-दसेक लुगाया, दो-तीन आदमी गैस सी हांडियां लियां जान रे

आगे-आगे चालै हा, बां में अेक हुसैनियो ई हो। हांडी उण माथै पर पूर सी अेक ईदूणी धर, बी पर मेल राखी ही। होले-होले बड़ी सावधानीयां सूं चालै हो।

बीन सी घोड़ी आगे पांच-सात डूमां रा छोरा चालै हा। अेक जणै बांमै

जानना वेस कर राख्यो हो, तैयै-लिपस्टिक सूं लेय र हाथ में रूमात लाई। नै

दस-बीस पांवड़ा पर, ठैर-ठैर बीन आगे नाचता-गावता हा - उड-उड म्हास

काला रे कागला.....। अर कदैई - खड़ी नीम के नीचै में तो अेकली, जातोई बटाळ

म्हाने छानै-छानै देखली, जिसा सस्ता अर जूमाउ गीत। हुवण नै तो बँड बाजो ई

हो, पण घणकरै जान्यां रे झुकाव आं छोरं कानी ई हो, बी जाननियै छोरै कानी

विशेष। जानी होडा-होड अेक-अेक, दो-दो रा लोट बी छोरै पर औसरै हा, सो

-सवासी तो बै हुवैई ला। देवणियां में सेठ शिवदयाल अगली पांत में हो। बीरि

मलमली जेब कड़कई लोटां सूं खासी ऊंची आयोड़ी ही। जान ज्यू-ज्यू आगे बधै

ही, खख अर सैट सी सुगंध ई बीरो सागो करै ही, बिना नूतै ई।

अंधेरो पड़गयो हो तो ई सड़क ओजूं खासी ताती ही। हुसैनियो पगां उवाणा

होले-होले चालै तो हो पण चालण में लूण-लकखण कीं हो नीं। पण कीं डिगै हा,

नस दूखै ही, शरीर की बिसाई मांगै हो। जान टुरी नै अथ घंटा सूं ऊपर हुयगी।

ओजूं तो आधीं तो ई नीं आयो तो ई मनयानै वो हो सावळवेत कै आवैनी हांडी

कदैई पड़ र फूटगी तो सोनै सूं ई घड़वणी मूंची पड़ैली। गिणगिण पण मेलतां

छेकड़ उण ब्याह वालै घर ताईं नाको कियां ई पा'दियो।

जान्या नै पैला तो मैंगोसेक भावै जितो। तीन-तीन च्यार-च्यार गिलास तो

हर अेक ई खाली करी। सेठ शिवदयाल मनवार से कीं घणो काचो हो, उण

नई-नई करतां सात नै तो हाथ बता ई दियो। मैंगोसेक पछै प्लेटां सी बारी आई।

कतली, राजभोग, संदेस अर समोसा। डबल अर तिबल तो घणकरा ई खाली

करी पण सेठ अर बीरा भायलां डबल सूं ई अेक-अेक आगे बधया। लारै जावतां

पान, सुपारी, खाटो हुवै ई है पण टुरती वेळा जान में केयां रे कीं-कीं खोटो शुरु

हुवण लागयो। सेठ बां में अगाडियां में हों। मैंगोसेक बणायां तीन-च्यार घंटा

हुयया हुसी, पड़्यै-पड़्यै में कीं बादी मरीजगी। तपती रे जोर हो ई।

मोटर में बैठ र सेठ दीवानखानो तो नैडो लेय ई लियो पण उलटी अर दस्त

शुरु हुयया। फोन कर र बडै डगधर नै बुलायो, हैजो बतायो उण। मोटर में बैठा

र वो बड़ोड़ी अस्पताल लेयगयो बीनै। रात भर डगधर पर डगधर, सूयां, गल्लोस

खलरै सूं बारै हुयया।

अस्पताल में इनाम बंटयो घर घरै प्रसाद।

हुसैनियो घरै आवण लागयो जद नव-साढी नव हुंयगी ही। होठां रे फेफी,

ताळवो सूकै अर जीम कलार्डजै - अेकदम मुरझायोड़ी। चालण सी ही आसंग

पूरी नीं। साठ पइसा हा कनै। पैतालीस पइसा रो तीन सौ ग्राम बाजरी से आटो

ले लियो अर पंद्रह पइसां रा पाव आलू ले टुरगयो। रास्ते में अेक गाडैवाळो

कचोळी-पिचका बेच'र आपरै घरै जावै हो। उण सोच्यो, जावतां ई किसी सेटी

हुवै है, हवै अर नीं वै। फेर तो दिन ऊगणो ई ओखो हुसी। गाडैवाळै नै बोल्यो-कीं

है कोई रे ?

—कीं भोरा-भुरकला तो है।

—दस पइसां रा कीं है तो दै नी। पइसा काल ले लियै।

उण बुहार झाड़ र तप अेक भोरा बीनै दे दिया। घरै आयो जितै नै दो

गळा उण मार लिया। बासी-कूसी अर बूसीज्योड़ा हा जिसा ई चोखा, भूख में

सै चढ़ै है।

घरै पूयो। डोकरी खटोलड़ी पर मरवी पड़ी उडीकै ही ई नै -पाळै मरतो

सूरज नै उडीकै ज्यूं। पसवाड़ा फोर धापी, कदास अबैई आवै। दम दोरो आवण

लागगयो अर हाडां में ताव सी चिणपिण च्यारी।

—मां, अे मां ! वो बोल्यो।

मां थिर हुवती-सी होले-सै बोली - आयगयो तूं मोड़ो कर दियो नीं रे ?

—हुयगयो, मां हांडी लेय र अेक जान में गयो हो।

—तो कीं चाबो-भूको मिलगयो है तो बठै ?

—नई मां, आटो लायो हूं, तैं कह्यो हो नीं।

—बेटा, म्हासी तो उठण सी आसंग ई नीं। टुकड़ो दिनूगै भलाईं सेकीजो।

—तो अबार तूं ?

—रात-रात में किसी गल्लूं हूं, बेटा ! पड़ी हूं हाड नांख्या, न इसी भूख अर

न कारण सी आसंग ई, पण तूं ?

—भूख तो है मां, पण दस पइसां से तपेक भूको (बूमवे से पूछण) खा लियो

हो, रात इसी तो निकलगी। इसीक और हुवैली, काढ देसूं दोरी-सोरी।

—तो सेकलै नीं दो सेटी। अन्न पूयां आंतां सोरी रैसी तो नींद ही सावळ आसी।

—न्है ई शक्योड़ा हूं, मां, रू-रू दूखै है, आसंग नीं म्हासी ई। दिनूगै ई

बात अबै तो।

—तो तूं जाणै। बा जी सूं ऊपरकर अेकर तो उठण मतै हुई पण शरीर साथ

देवतो नीं लागयो, पाछी पड़गी ही जियाई।

उण मां रै डील रै हाथ लागयो - न्यायो हो, दम दोरो अर तांत बोलै ही।

बीता है भोग खाजोखा हा है। पेट में की कुकुर छटी। उण आधो लोटो पाणी ऊँ में छी पेट में नाख लिया। दिन भर सी रोसीखोड़ी आंतां, पेट में भमकी छठगी। आडो हुबै नै बो फिट ई मसा हुआ हुसी जी दोरो हुय र अक उल्टी हुयगी। दो-धार फिट बार अक दस्त पाणी-सो: फेर अकदम सतटूट-सो हुयगयो। डील-बटीजण लालखो अर रह-रह आंखया आडा तिरवाला आवण लागगा।

—मां ? अर फेर दस्त सी रंका।

मां जमी पर हाथ धरती कने आय र बोली-काई हुयो रे ?

—तिस लागी है मां अर दस्त ई।

—काई देवु रे ?

बा मरकी ताई गई छेडे-छेडे, पाणी सी गिलास झलाई बीनै। अकै साने ई बीपखो बो। बारै बखी रात रो हेतो ई कीनै भारै अर बैगो-सो सुणै ई कुण सरसा नी ही तो ई बुजती-टसकती बा बारै आई किया ई। सोचै ही — दवाई र नाख धर में तो काई सो सुंखको ई नी, पांच-व्यार आलू हुवैला, का धोबो-झंड धोबो-आटो, किसी कयो लागी बां सुं ? धर रै विपत्तो ई सुलैमान रंगारो बसतो, बी सू अगले धर में अघबूढ़ अकखो धरालसी अर बीरै सांझोसाम गुलाब, आपसी धरु स्फुरल रो अक गरीब मास्तर। लोकरी रंगारै नै जगायो, रंगारै मास्तर नै अर मास्तर झरालसी नै। ई अकला-मलसी में अक तो अठैई बजगी। सुलैमान की कांई रो रस काड र पायो। लोकरी धुवै अर बिलगाप करै — अरे, म्हारै हुसैनियै नै बलावो कोई, मालक बीरो भलो करै।

अकखो बोल्खो — नूरी, धबरा भल। मालक सब ठीक करसी।

गुलाब कह्यो — माजी, अस्ताल गुण री देर है बस। थे नींद लेवो जाय र।

हुवो सुलैमान बोल्खो — धारो है तो कांई नी जावै, मालक ने याद कर। बा उदास-उदास आपरै खटोलियै कने पुगी।

मास्तर बिचारो बड़ी मुश्किल सूं अक तांगलियो कर र लायो। अकखै नै लागै लेय र बो बड़ी अस्ताल पुगयो कियाई। सूती गंगा बहै ही बठै। ज्यूटी जागधर बढती उमर रो-सो ई हो। बोल्खो — वर्मा साब तो गया, अघ घंटा पैलां तो अठैई हा, इसोई एक केस और हो। बै तो अबै दिनुगै आठ बजी ई बापरसी, पुण धबरावै जिली कोई बात नी। थे जावो भलाई। अकखै नै छोड र मास्तर धरै आगयो।

दिन रै अक कमरै में स्तोव पर चाय बणी ही। जागधर, नर्स अर कंपोजर चाय बारकर बैठा हा, आपस में हंसी-मजाक करै हा। खलखली कोई बरामदै सुं बारै ताई जावै ही। पंखा चालै हा अर सिगरेटी धुवै रा छल्ला कमरै र अकास में घणा हुय बारै निकळै हा। दवाई हुसैनियै नै दी जिंसी दे ई दी, मनेग्यानै अकर

है तिरवाला हुआ। बाईटा आवै हा अर तिस बियाई बवै ही। आसार तर-तर मांका हुवै हा। रोग रो वेग चालू हो अर जीवण रा किनारा कट-कट मांय पडै हा, मीत उकणी ही। अकखो उदास हुवै हो। सांझले बैड सहारै बैठो अक बोल्खो — बाबा, अठै तो पद, पइसो अर का हुवै सागीड़ी जाण-पिछाण तो कीं बात बणी, नी तो कुण कीनै ई पूछै, काम हुवै जियां हुवै।

—अठै तो न जाण है अर न और कोई जोर, हुसी जियाई ठीक है। अकखै कहयो।

अठिनै लोकरी अकर आडी तो हुई, फेर पाछी ई छठगी। नींद तो मरती नै पैलां ई नी आवै ही, अब बा बिलकुल ई बिदा हुयगी। रह-रह बीरै गोट उठै हा — ऊंवा सूंवा अर अपभित। सोचै ही — जे दो सेटी बी खातर पैलाई उतार राखती तो क्यानै ? पाव आटो सुलैमान सूं उधारो ई ले आवती, तीन पाव अगलो ई है, कीलो सागो ई दे देवती। आगे किसो राख्यो है कदैई। कमर दूखण लागगी, भलै आडी हुयगी। घड़ी-दो घड़ी बाद भलै छठगी, ई छठ-बैठ में झाझरकै नैडी जाय पुगी। अकखो बैड रै विपश्चिप स्टूल पर बैठो हुसैनियै कानी देखै हो। उण अकर बतलायो बीनै — हुसैन ?

—हां। फेर आपरी आखी शक्ति मेळी कर बड़बड़ायो बो — बाबा, मां भूखी है दो दिनां सी...आटो पडयो है...पाणी...। अकखै हाथां रो सहारो देयर पाणी बीनै पा दियो। जीम की आली हुई। उण फेर आपरी पीड प्रकासी — बीरी सरधा नी है...ताव है...थे बैगी बीनै सेटी...।

—ठीक है रे, तू चिता मत कर, सब हुय जासी आपरै।

फेर उण न सावल आंख खोली अर न जीम, जाणे बी कने कैवण नै अबै की नी बय्यो हुवै। रोग रो वेग चालू हो। प्राण सांघटीजै हा। अक मरोड़ी आयो। अकखो खाथो-सो उठ र जागधर कने पुगयो। जागधर आयो अर देख र हाथ झडका दिया।

लोकरी खटोलड़ी कने बैठी सोचै ही — अबै तो कीं पीळो बादल हुवै दीसै है। सूरज ऊगै तो कोई आवैलो ई, हे मालक, म्हुने भलाईं अबार ई उठा लिए, छोरै रै की मत हुया मालक, धोळां सी लाज राखै। उठ र फेर अगुणै आभै कानी देख्यो — अबै तो थोड़ी देर नै सूरज निकळ्यो ई ? बा पाछी ई आपरी सागण जागां बैठगी। पांच सूं कीं ऊपर हुयगी। दस-बीस मिट ई घटै हा सूरज निकळण में। अकखो मूं लटकायां मास्तर कने गयो — गुरुजी, छोरो तो...।

—है। मास्तर रै पागां रै चाक्यां बंधगी अर जीम पर अकर अघ मिट खातर जाणे लकयै सी हवा निकळगी। धूलती-धडकती जिंदगी कने जाय र बो आ बात कैवै तो कैवै कियां ?

थे बारै जावो

करणीदान बारहठ

म्हारै घरै जिकै दिन बीनणी आई बे दिन म्हनै आज भी याद है। बी दिन नै स्यात बीस साल है नई-तेई हुयग्या। म्हारी घरवाली पदमा नै तो इत्तो कोड चढ़यो कै बा तो पूरै घर में ही कोनी नावई ही - छोखां, जावो अ, लुगायां नै बुलावो। बारत आयगी, बीनणी आयगी। अ छोरी, तू जा। थाली ल्या... सोली-मोली ल्या... बीनणी नै बधारा। लुगायां आयगी। थाली आयगी। सोली-मोली आयगी। लुगायां गीत जगेर्या। म्हारै आंगणै बाजा बाज्या। गीत गाइज्या। नेगचार हुया। फेर बीनणी घर में बढ़ी।

बीनणी जद म्हारै घर है आंगणै में काम करती, बीरा छैलकड़ियां रा घुघरिया छमछम बाजता जणा म्हारो जी सोरो हुवतो। म्हैं बी छमछम नै सुणतो। वा छमछम कानां है जरिये म्हारै कालजे ताई पूगती जणा भगवान है मंदिर सी मदरी-मदरी घंट्या बाजै अँड़ी लागती।

म्हैं आंगणै में बैठ्यो रेवतो। बढेई चाय पीवतो। बढेई रोटी मांग लेवतो। बढेई गपशप करतो रेवतो। म्हारी घरवाली कैरी-कैरी आंख्यां सूं म्हारै कानी देखती। स्यात म्हैं बीनै सुहावतो कोनी। पैली तो बा टोकती संकती पण छेवट बीनै कैवणो ई पड़्यो - थे बारै जावो, अठै बीनणी फिरै। थारै थकां इणनै घुंघटो काढणो पड़ै। कदै ठोकर खायां पड़ जावै, टाबर तो है ई। थे बूढ़ा सारा अठै करो काई हो ?

जिकै दिन म्हनै लखायो कै म्हैं बूढ़ो हुयग्या। म्हारो हक आंगणै सूं उठयो। घर आदमी रो कोनी, लुगाई रो हुवै। उण दिन सूं म्हैं बारलै कमरै में गयो परो। बढेई रोटी आवण लागगी अर बढेई चाय। म्हनै हेलो मारणो पड़तो। म्हैं कमरै सी बारली बोरी खोल ली। गळी में आवतै-जावतै नै देखण लागगयो।

टैम टिपतां जेज कोनी लागी। म्हारी घरवाली जिकै दिन म्हनै बूढ़ो बतायो, म्हैं बूढ़ो कोनी हो। म्हारै डील में जवानी वाली सागी कड़क ही। म्हैं सावल घूमतो-फिरतो, खेत में काम करतो। बुढ़ापो तो इत्तोई हो कै म्हारो छोरो परणीजग्यो।

दिन आयां बीनणी है टाबर हुयग्या। जद उण आपरै छैलकड़ियां नै संभाळ र बकसै में मेल दिया। जुंवा गामा पैरण छोड़ दिया, बोदां में ई टोपा टिपाण लागगी। औ तो जिंदगी में टैम आवे ई हैं। अबै पैरै भी कियां, बा कदै टाबर संभाळती, कदै घर से काम। बीनै काम सूं ई ओसाण कोनी मिलतो। धीमै बोलणवालो बहम ई उण छोड़ दिया। पोसावै ई कियां, टाबर जक कोनी लेवण है। वै लडै तो डांट लगावणी पड़ै। बा होलै बोलणै सूं पार पड़ै कोनी। घुंघटो भी अबै नेम तोड़ण लागगयो। कदै राखती तो कदै मूँढो उघाड़ो हुय जावतो। मूँढे पर जिकी भोर में खिलतै फूलां से लावणी ही बा कीं तो टाबर चूंघग्या, कीं बगत बुहार परो लेयगयो। पण जिको मोटो फरक आयो वो औ कै उण इण घर नै आपसी मुट्टी में लेय लिया। टैम से सूरै बा घुमावै बढीनै ई घूमै। म्हारली बूढली कदैई बीनै हुकम देवती पण अबै बा हुकम सारु उणरै मूँढे कानी ताकती - बीनणी, म्हारै पीहरवाळां से कागद आयो है। तू कैवै तो जावू, नीं टाळ करूं, है तो ब्याह।

जद बीनणी आपरै अफसरी लहजें में कैवती-थारो जरूरी है तो जावो। थारै सागी भाई से तो ब्याह कोनी। क्यूं भाड़ो लगावो ? अठै जावणो अै टाबर म्हारी जान नै रोवैला। सगळा थारै हाड हिल रह्या है। कुण राखैला आंनै ?

म्हारी घरवाली बीनणी से आदेश न मिलणै पर टाळ कर देवती पण खुद नै जावणो हुवतो जणा बा आपसी सासू से आदेश कोनी चावती। फकत सूचना दे देवती - म्हैं म्हारै पीहरै जावू। आप डांगरां नै नीर दीज्यो। गावड़ी दूध देवै है, दूध काढ़ लीज्यो। बिलोवणो हुवे तो बिलोय लीज्यो, नीं टाळ कर दीज्यो। अर आपरै टाबरां सागै बहीर हुय जावती।

टाबर जणै इण धरती पर उतरै, बेल बधे ज्यूं बधे। बीरा टाबर ई बड़ा हुवणा ई हा। अर म्हैं जाणै अबै बुढ़ापे कानी बेगो-बेगो भाग रह्यो हो, इयां लागी हो।

दिनूगै उठूं। पाणी म्हारै सिराणै रैवे, पी लेवूं। आ म्हारी सदां से आदत है। कदैई होको भर लेवूं तो कदैई बीड़ी सिलगा लेवूं। बीड़ी-होको पीवता धांसी आवै जिकी आवै ई। सागै बलगम आवै। हिम्मत कोनी रही कै उठ र बारै शुरू। बढेई शुरू देवूं। म्हनै म्हारै सूं ई घुणा हुवण लागगी, बीनणी अर टाबरां नै तो हुवणी ज ही। ओक दिन बीनणी म्हनै बोलती सुणीजी - अबै बाप-सा इण कमरै है रैवण जोगा कोनी रह्या। आंरो मांचो बारली चूंतरी पर घाल दिया करो, बढेई शुरूला रैसी। कमरै से सत्यानाश हुय रह्यो है। औ कोई ढंग है ! तो कमरो तो म्हारो बणायोड़ो हो पण धणी और हुयग्या। पण बीरी बात साधी ही। म्हारो बणायोड़ो कमरो म्हारै हाथां नाश हुवे हो। अबै म्हारी घरवाली से ई सत कोनी रह्यो। बीरा ई गोछा दूखण लागग्या। बा लाठी है सहारै चालण लागगी। लोग कैवता - इण

बुढ़ापे से कोई धणी-धोरी कोनी। इणरो की नीं बटै। लोग इणनै मोल कांई, उधार ई कोनी लेवै। बो बुढ़ापो म्हारे सिराणै-पगणै आयर ऊमो हुययो।

पैली तो म्हारे पैलै हेलै सो असर हुवतो। अबै पांच हेली ई अकारथ जावै। छोरा मूंदो मचकोड़ र भाग जावै। बीनणी बाने ललकारै जद की सुणै।

म्है रोज बारली चूतरी पर सोवूं। बटैई छोरा म्हनै होको भर र ला देवै, बटै ही पाणी पकड़ा देवै अर बटैई रोटी।

परवाला पैली म्हनै पूछ र सब्जी बणाया करता, फेर बां बो बहम ई छोड दियो। पैली म्है ई रोटी में काण-कसर काढ दिया करतो; म्है ई बो बहम छोड दियो। जैड़ी भी लूखी-सूखी आवती, खा लिया करतो। काया नै भाड़ो देवणो हो, दे दिया कर तो। ऊपर पाणी पी लिया करतो। जवानी री बात और ही, बुढ़ापे री बात और। बुढ़ापे री खुराक ई बदल जावै। दिनुनै कोई री सब्जी सूं रंज कोनी। की छाल-राबड़ी हुवै तो पेट भरयोड़ो लागै। काया तिरपत हुवै तो हुवै, नीं हुवै तो नीं हुवै। पाणी पी र जी नै टिका लेवै। और जोर ई कांई चालै? बुढ़ापो सोवै - टैम टिप जावै तो सही है। रात नै की दूध-खीचड़ी मिल जावै, धान हलको हुवै तो ठीक रैवै। नींद सावळ आवै। नीं तो कदैई ऊदस उठै, कदैई जी दोरो हुवै, कदैई सांस उठै, कदैई नींद नीं आवै, पण टैम तो टिपणो है, टिपवै। उपाव ई कांई ?

अक रात पतो नीं कांई बात हुई कै रोटी आई ज कोनी। म्है हेली ई माख्या पण सुण्या कोनी। राम जाणै कांई हुई कै सगळे ई सून्पाड़ हुयणी जाणै च्यालं कानी सोपो हुययो। पैली तो भूख हेली माख्या पण बा ई जपणी। म्हनै नींद रो अक गुटको आययो। भूख ई नींद मांगै पण मांगै कद ताई? म्है जाययो जणा भूख सांगै जागणी। म्है दुखी हुयो, मन में पछतावो आयो। सोचण लाग्यो कै इण सूं तो मौत आछी। म्है रोटी सूं ई मूयो हुययो।

म्है हिममत कर परो उठयो। घर च्यालं कानी बंद हुय रह्यो हो। स्यात सगळां रै ऊपराकर नींद फिरगी। आसै-पासै कुतिया जागता रैवता बै ई सोयया। म्है फेरुं मांची पर आय र पोढ्यो। आज कांई हुयो? घरवाला म्हारी रोटी ई भूलया। म्हारी बुढ़ली कदैई पड़ी हुवैली भेली हुयोड़ी। बीनै सुणीजे नीं, सूझै नीं। बीरो आपरो बोझा ई कोनी संभै, म्हारली कुण सुणै? मन में विचार करयो - छोरा भूलया दीसै। पण छोरा गया कटै? स्यात रामलीला घलै है गांव में, बटै गया दीसै। म्है आडो होवूं। फेरुं बैठ जावूं। भूख नै नींद कटै? म्है फेरुं अक गुटको पाणी पीयो। फेरुं अक बीड़ी सिलगई।

इतै में दूर टावर बोलता सुणीज्या। स्यात रामलीला खिंडगी। छोरा आवता हुवैला। बात साची निकली। छोरा - नेड़ा आयया। म्है हेली माख्यो - अरे कुण है? पोटियो है कांई ?

-हां दादा।

-साचाणी घोटियो हो।

-अरे घोटिया, म्है तो भूखो ई हूं।

-अरे दादा, म्है तो मूल ई ग्यो।

-वाह भाई, वाह।

घोटियो अर पूरणियो मांयनै गया अर मां नै जगाई।

-मां, ओ मां! आज दादो भूखो ई हैं।

-अरे मर मरज्याणा, म्हनै तू काची नींद सूं जगा दी। तेरा हिंयो फूटैडो हो? बा बरझायां जावै ही। कह्यां जावै ही। हुकम दियां जावै ही। बा फेरुं बोली - अरे बीं हांडी में देख। कीं खुरचण पड़ी हुवैला, घाल दै। दूध से अक पळियो घाल दै। गिट लेसी।

म्हने बा बरझावती सुणीजे ही। बोलती सुणीजे ही। हुकम देवती सुणीजे ही।

रात ठंडी ही पण काया गरम ही, बोल गरम हा। म्है ना बोल सकै हो, ना चाल सकै हो, ना कीं कर सकै हो।

छेवट उण अक बात कही जिकी रा बोल कळजै गडरया। बा बोली - गांव रा सगळा बुढ़िया-बूढ़ली मरया। आपांवाळां बुढ़ियां नै मौत ई कोनी आवै। पतो नीं अे गळे रा हाड कद निकळसी ?



हिरणी

बैजनाथ पंवार

हिरणी म्हारी पैली लुगाई ही।

गांव तो उणरो रतनी हो पण म्हें हिरणी ई कह र बातलावतो। हिरणी सी दाई जाबक भोली - ठेट गांव सी। उणरें भावें दूध ई धोळो अर छाछ ई धोळी। अेक सी दो नही जाणै। जाबक बचकूकर ! पैली दफें दिल्ली सिरखे शहर नै देख र डांबरेडी हिरणी दाई हुयगी। अेकें सागै इत्ता मिनख, मोटर अर गाड्यां नै देखर बावळी हुयगी। तेसण सूं जद भाई सी मोटर में बैठा र उणनै घरे लायो तद पैलीपोत आ ई बात बूझी कै रात नै अै इत्ता मिनख कहे जासी ? आ कह र बा आपरा हिरणी रा-सा डीघा-डीघा नैण घुमाया। म्हें उणरो भोलपणो अर सी गेपणो देख र पैली तो हंर्यो, भळे उणनै बतायो कै तूं थोडे दिनां में आ बात आपई जाण जावैली।

म्हारी मकान शहर रै अेक गंदे अर सुगलै मोहल्लें में हो। मकान काई, किणी मक्खीचूस पेंशनशुदा अफसर या किराये खातर बणायोडा दसेक क्वार्टर हा। इणा में अेक कोठडी, ऊपर टैणा सी रसोई। दसूं क्वार्टरां रै बिचाळे अेक नहाणघर अर उणरें चिपतो ई अेक सुगलो-सो जाजल। कोठडी जिणमें ऊभो मिनख भावै कोनी। अेक खाट घाल र थोडी-सीक जगां ऊबरै। खाट रै नीचै पेटी, खुणे में पाणी सी मटकी, बाकी घर-गिरस्थी सी छोटी-मोटी जिनसां। छत पर रसोई में पांच-सात बरतण। सिरगटेां अर च्यवनप्रास रा खाली डिब्बा जिणा में भिरच अर मसाला। म्हारी कोई बेली-मिंत जे म्हारें कनै मिलण नै आय जावै तो हिरणी रसोई में ऊपर जावै परी अर ऊपर बैठी सोचती रैचै कै आवणवाळो कद जासी ? जे कोई पाडोसण हिरणी सूं मिलण नै आवै तो म्हें उणरें पगां रा खुडका सुणतां ई ऊपर रसोई में जाय बैतूं। जद ताई पाडोसण नही जावै, म्हें रसोई में ई बैठ्यो भिरच-मसालां रा डिब्बा गिणतो रैवूं। रसोई रै चिपतो ई नहाणघर अर छोटे-सोक जाजल। दफतरां में जियां फर्नीचर रै तोडै सूं च्यार-च्यार बाबू अेक ई मेज पर काम करै, उण भांत म्हें अर म्हारा पाडोसी उण न्हाणघर अर जाजल

नै बरता। क्वार्टरां में गडपडतां पांच-पांच रै हिसाब सूं छोटा-मोटा पचासेक जीव हा। म्हारै जे अेक ई टाबर नी हो तो काई, पाडोसी क्वार्टरां में सात-सात टाबरां सी डार-सी-डार फिरती। क्वार्टरां सूं बारे कीचड-कावो ! कूरडी पर आखें दिन माख्यां भिणकती। देख्यां जी घबरावतो। उल्टी-सी हुवण लागती। छोटा टाबर जिणा रै घणी तागड हुवती, जे जाजल में बारी नही आवती तो बै कूरडी सी शोभा ई बधावता। गंदा नाळा अर मोर्यां में दिन-भर सूवर अर सूरी पड्या लाधता का की-न-की सोधता ई दीसता।

दिन में म्हें तो दफतर जावतो परो अर हिरणी बैठी आपरें गांव सी बातां याद करती रैवती। गांव रा ऊजळा धोरिया, फोग, बांठ अर नीमडां सी छीयां में बैठी भैंसां अर गांयां सी ओळ्यूं करती। पीजरें में कैद हिरणी सी दाई बा आखें दिन रसोई सूं कोठडी अर कोठडी सूं रसोई बिचाळे गडका लगावती। मीयां सी दौड मसीत ताई। अेकली बारें जावती डरती।

दिन में तो कीं ठाह कोनी पडतो पण रात नै गळी रा कुत्ता इर्यो रमझोळ मचावता, इसी लड़ायां करता कै म्हांसी नींद हराम। रात नै जे नींद पूरी आवै तो दूजें दिन अळसाक। फेरूं भी इण कोठडी में धाकौ धिकावां।

कोठडी रो दरुजो भी बैकुठ सी दाई खासा सांकडो ई हो। म्हारें जिंसा तकतुळिया जवान तो सरडाट करता उण में घुस जावता। पण गांव सी मोथी दोलई हाथ-पगां सी हिरणी उणमें दोरी ई मावती। भारत सी रेलों में दूजें दरजें रै डिब्बें में बडणो अर म्हारी कोठडी में बडणो सिंगड विजय सूं कम कोनी हो। बार-बार मकान पळटणै रो विचार करता पण घरू बजट रै आंकडें कानी निजर पडतां ई मन माठो पड जावतो। दिल्ली सरीखे शहर में इती तौड मिलणी कम नीं ही। खिडकी रै गांव पर उण कोठडी में बिलानेक लाम्बो-चौडो झरोखो हो। उणनै दो-च्यार बार खोलण सी हिंमत करी पण छेकड ढकणी पडती। खिडकी खोलतां ई सांम्ही खुली जगां में मेहतराण्यां जाजल खाली कर र आपरी टोकर्यां उणी तौड ऊंधी करती। आथूणी पून रै फटकारै सागै बदबू-ई-बदबू हुय जावती।

च्यार-छह महीनां तो दोगावींती में इयाई बीतरया हिरणी गांव में कुदडका मारती, कूवै पर पाणी लावण नै जावती अर पाडोसणा सागै हंसती-खिलती आवती। घर में च्यारुमेर रम-झम-सीक सैवती। अठै औ काई हुयो ? दिल्ली आयां फेरूं बा ओळा मारयोडी कमेडी सी दाई सिटगी। सूख र जाबक नाकें लागगी। गांव सी जीवणदाई सोरम, जिकी उणरें रू-रू में भरयोडी ही, कठैई अलोप हुयगी। उण सी तौड शहर सी सुगली दीवळ सूं डील सुळण दूष्यो। म्हें तो कियाई कर परो धिकावतो गयो पण हिरणी जाबक सिटगी।

अेक दिन म्हें बारें सूं आयो। बारसोई रै काम में लागयोडी ही। सेटी करती

जावै अर आंसूड़ा ढलकावती जावै। म्है देख र उरयो। बूझ्यो — काई बात है ? सेवै कीकर ?

बा पल्लै सू आंसू पूछ र मुलकण सी चेष्टा करी अर बोली — नई तो।

म्है गौर सू उणरै मुँदै कानी देख्यो। आंख्यां पीली, मुँदो उतरयोड़ो, रंग पूणी-सो घोलो। खून री ओकोअक बूंद जाणै किणी चूसली हुवै। म्है भळै बूझ्यो — काई बात है ? आवड़ै कोनी ?

चोट घाव पर लागी। सुणतां ई बसक्यां फाटी। सिर गोडां में दे दियो अर आंख्यां में सावण-भादवो अके सागै ई आय बूझ्या।

— जे नई आवड़ै तो म्है थानै गांव पूगाय देसू। काई आंट है ? म्है कह्यो। हिरणी पल्लै सू आंख्यां पूछ र बोली—तो थाने काई हाल हुसी ? सेटी कुण बणासी ? होटलां में टुकड़ा खावातां—खावातां तो औ डोल हुपरयो।

— तो इण भांत बलद मार र तो खेती करणी कोनी। तूं दिनोदिन सिटती जावै। शहर रा हवा-पाणी थारै जयै कोनी। तूं गांव में ई रह। बदली तो म्हासी हुई है, थारी थोड़ी हुई है।

हिरणी बोली — पण आ सिरकीबंदां री-सी जिनगाणी कदताई चालसी ? म्है उथळो दियो — इसी जिनगाणी तो आज आखै भिनखां री हुय र है। ओकलो म्है ई तो आ जिनगाणी वितावू कोनी। देश रा लावू-करेडू लोग खानाबदोसां री दाई घरां सू सैकड़ कोसां अलगा..... काला कोसा पड़्या है।

हिरणी कह्यो — थे बताया करता नी कै आपणी सरकार लावू बेघरवार अर उजड़्योड़ै लागै नै बसावै है। पण म्है देखू कै औ बसावणो काई औ तो उजाड़णो है। घर र आखै भिनखां नै अलगा करणा है। मां-बाप कठैई है तो बेटा-बेटी दूर कठैई

म्है बोल्यां—आ तो नौकरी है। सरकार काई करै ?

हिरणी कह्यो—तो सरकार उणानै नौकरी गांव में ई दे देवै नी। अबै म्है उणनै काई कह र समझावू ? हिरणी ना तो भोली अर ना स्याणी। सांम्है चूल्है कानी देख्यो तो सेटी बळगी। बातां-ई-बातां में ध्यान कोनी रह्यो।

म्है सोच्यो कै अबै औ सगलो अर छोटो-सोक घर छोड़ र किणी साफ-सुथरी जागा चोखो मकान लेवणो चाइजै जिणसू जी भी लागै अर नीशेग भी रैवां। जे चोखो मकान मिल जावै तो हिरणी गांव नी जावै, औ निर्णय कायम रह्यो।

म्है दूजै मकान री प्रबंध करण री संकल्प लेय र उठ्यो। सेटी तो काई भावै ही। दो-चार टुकड़ा गळै उतारया अर पाणी री गुटको लेय र ऊभो हुययो। हिरणी घणन ई निहोरा कादती रही पण म्है उठरयो जिको उठरयो, भळै कोनी बैठ्यो। पगरखी पैर र सीधो गांधी कोलोनी में ओक भायलै कनै गयो। हेतो पाड़्यो। किंवाड़ खुल्या। ओक छोरी बोली-काकोजी तो घरै कोनी।

— कठै गयोड़ा है ?

— है तो कोई मकान ढूंढण नै गया है। बा बोली।

— कयूं ओ मकान है नी। भळै दूजो कयूं ?

— इणरो किरयो बधा दियो सो पोसावां कोनी।

सुणतां ई म्है सागी पगां बावड़्यो। कोलोनी री ओकाओक मकान भाइेती री निजरां सू देखतो गयो म्है। ओक कूंट पर गली मुडतां ई किरायै खातर खाली लिख्योड़ो देख्यो। मन में हरख हुयो जाणै आ बिद बैठ जासी। औ सौंदो पटतो दीखै। मन में देवी-देवता मनावतो उण कानी चाल्यो तो मकान रै ताळो लाव्यो। पाड़ोसी रा किंवाड़ खटखटायो तो ओक चरमाघारी भेम किंवाड़ खोल्यो। रीसां बळती बोली — क्या मांगता है ?

मकान कानी आंगली कर र म्है भाड़ो बूझ्यो।

— ओक सौ पचास ! ओक माह री अगाऊ। सुण र म्है तो कान बोच लिया। जे भीत सहारै नी हुवती तो भुंगली खाय र पड़ जावतो। भेम साब बड़बड़ करती किंवाड़ ढक लिया। म्है की गमायेड़ो-सो आगीनै बहिर हुयो।

दो-चार जागां और भचीड़ खायो। छेकड़ जी काठो करयो — जाड़ भीच र ओक मकान सितर रिपियां में जचा ई लियो। मकान हवादार और फूटरो हो। अई छेड़ै खुली जागां। आड़ोसी-पाड़ोसी भी ठीक ई लाया। आधा रिपिया धणी नै देय र रसीद लेय ली। अंवार सामान लेय र आवणै र पकाई करी। मन में घणो कोड़। खाथो-खाथो चालतो जावू अर सोचतो जावू कै अठै आय र म्हासी हिरणी भळै कुदड़का मारैली। बी घरकुंडियै सू निकळ र अठै सोरी रैवेली। बीस-तीस रिपिया दवायां रा लागता जिका अठीनै भाड़ै में लाग जासी। कोई बात नी। काण धड़ै में आ जासी। कोई अड़ांस नी।

मारग में दो तांगा भी सागै ई लेय लिया। आज वार चोखो हो सो आज ई नुवै मकान में डेरो देवणो हो।

तांगां नै बारै ऊभा कर म्है घर में बड़्यो। हिरणी नै नुवै मकान साफ बघाई देवण नै बोल्हो — बेरी बिस्तर बांध र अबी चालणो है। बारै तांगा तैयार ऊभा है।

हिरणी की बोली कोनी। म्है देख्यो, नींद आयगी हुवैली। रसोई में झांक र देख्यो तो कान खूस र हाथां में आयया। हिरणी थाली पर मूधी पड़ी है। लाइट जगै ही। गाभा अठी-अठी हुयोड़ा हा। आधी सेटी खायोड़ी। साग-सब्जी खिंज्योड़ा। हिरणी नै दोरो आवतो। जाड़-दांत भिचरया। हाथ-पग ठंडा हुयया। नाड़ी देखी तो ठंडो हुययो। हिरणी लाम्बी छलांग लगायगी लागयगी।

बारै ऊभा तांगैवाला हेतो देवै हा — बाबूजी ! जल्दी करो। मोड़ो हुवै है।

नीलकंठी

माधव नागादा

गीता बोरी से तापड़ियो लाय आंगणै बिछायो अर बोली - बैठ ।
मैं आझाकारी टाबर सी दाई बैठायो अर गीता म्हरै सांन्है ।

-आज गेलो कियो भूलगयो ?

-तू ई याद आयगी तो आयगयो ।

-रैवण दे म्हरै जिसा नै कुण याद करै ? गीता रै चेहरै माथै उदासी

पुलगी । बीरी आंख्यां ऊड़ी गयोड़ी ही अर च्यालंभेर काळा घेरा बणण लागया हा ।

-तू दूबळी घणी हुयगी गीता । कांई बात है ? जीजोसा रोट्यां तो पूरी देहै कै नी ?

-थनै देख्यां नै कितरो बगत हुयगयो, पूरा च्यार साल । उण बात नै टाळण सी कोशिश कीधी ।

-मैं ई थारो ब्याह हुयां पछै थनै पैलीवार देख रह्यो हूं । तू गांव तो कदैई आवै ई कोनी । आवै ई क्यू ? अबै तो शहर सी वासी हुयगी । गांव दाय कियो आवै ?

मैं सोच्यो - म्हारी भीठी मसखरी सूं बा राजी हुवैली पण बा तो और उदास हुयगी । गीता रै व्यवहार में म्हनै की भेद लागयो । आ बा गीता कदै जिकी गांव सी गळ्यां में बकरी रा नैना बच्चा रै ज्यूं कूदती-फिरती । कदैई आंबा सी डाल माथै बैठी निजर आवती तो कदैई आंबली सी गहरी छीया में । मुलक तो जणै उणरै मूँडै छायोड़ी ही । बात-बात में हंसण लागती । म्हरै अर गीता रै अपसरी में खूब पटती । आखोदिन सागै-सागै रमता अर दौड़ता-फिरता । धूड़ में खेलता, मगरा में गायों चरावण नै जावता अर सागै-सागै प्राइमरी स्कूल में भणवा जावता । अक दिन मैं उणनै कह्यो - गीतूड़ी ! मैं थनै ई परणूँलो ।

-हट ! शकल तो बांदरै जिसी है अर म्हनै परणैलो । जा, पैली मूँडो धोर र आ नाळवा में । अर गीतूड़ी खिलखिलाट करती किणी झाड़ी सी ओट हुयगी ही । म्हनै हंसी आयगी ।

- कांई सोचै है ?

-की नी । टाबरपणै सी कोई बात याद आयगी ।
-किसी बात ?

-बा परणवा सी ।

-अरे, थनै याद है हालताई ?

गीता खिलखिल करती हंसण लागी । इतरी जेज पछै मैं असली गीता देख सक्यो । पण औ कांई ? हंसती-हंसती बा अवाणचक चुप हुयगी । जणी सौ बात से बल्ब उजास देवतो-देवतो अवाणचक पूण हुययो ।

बा उठगी । कैवणी लागी - मैं ई किसी क बावली हूं । आवतां ई बाता करण नै बैठगी । चाय-पाणी से ई कोनी पूछ्यो ।

म्हारी इच्छा तो हुई कै बीरो हाथ पकड़ र बिठाय लूं पण बीरी आंख्यां जलजली हुयोड़ी देख र हिमत नी हुई ।

गीता खांडो गिलास म्हरै कानी कीयो अर बुक्यो मग लेय र खुद बैठगी । गिलास में कालें रंग से गरम पाणी भरयोड़ो हो ।

-इण बगत होलां में दूध ई नी मिलै । काढो बणावणो पड़्यो । मैं गीता रै मूँडै कानी देख्यो । बा की घबराई । पछै होळै-होळै आडी से अरथाव सांन्है आवण लाग्यो । म्हनै लखायो कै गीता इण घर सी कैवण नै राणी है । घर सी चाबी तो किणी दूजे कनै ई है । कांई गीता इतरी दबल है कै दूध रा पइसा ई खरच नी कर सकै ? ना-ना, भगवान करै म्हारो अंदाज खोटो हुवै । पण गलत ई कियो मानूं ? गीता रै डील रा गाभा ई साख भरै । ठौड़-ठौड़ कार्यां लाग्योड़ी । गीता सी सूनी-सूनी आंख्या अभाव रा गीत उगेरै ही । खाली-खाली कमरो गीता रै मन नै वाचा देवै हो । गांव में तो सगळा ई कैवै कै गीता शहर में खूब सुखी-सोरी है । कांई जवानी में ई आंख्यां सी चमक गायब हुवणी सुखी-सोरी हुवणो है ?

-गीता !

-हूँ !

-अक बात पूछूं ? साची-साची बतावैली ?

-पूछ ।

-तू अठै खुश तो है नी ?

सुणतां ई गीता सी आंख्यां सूं सावण-भावो ओसरण लाग्यो ।

-च्यार बरसां पछै ई सही, पण कोई मिल्यो तो सरी म्हारो सुख-दुख पूछणवाळो । म्हरै मूँडै सूं थनै कांई कैवूं ? थोड़ी क जेज में थारा जीजोसा आवणवाळो है । बै खुशिया से जुंवो तोहफो लेयर आवैला । तू खुद ई देख लीजै !

-कांई धंधो करै बै ?

-उणनै ई पूछजै । म्हनै की ठाह नी पड़ै धंधे सी । लोग कैवै, बै मटकै से धंधो करै । मैं तो पाणी भरण से मटको जाणूं ।

म्हनै समझतां जेज नी लागी कै घर सी हालत माडी क्यूं है ।

—सात-झेड सात तो ठीक निकल्यो। पछे नीं जाणै उण ओं माथै कोई

जादू कीधो।

—कुण कीधो ?

—उणीज, जिणनै इणा घर में घाल राखी है, न्यारो कमरो लेय र।

—ओह, तो आ बात है। तुगाई रो सँग सूं मोटो दुख सौत हुआ करै।

—यूं कीकर हुययो ?

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

—महँ फूटरी नीं हूं। महँ पीहर सूं दायजो नीं लाई। म्हारै आस नीं बेधी।

१ मन में कूदें हो।

माजी मून भांगयो-गीता, सेटी-पाणी से तैयारी करसी कै भाई नै भूखो ई

टोरसी ?

—तूं आजकाल कोई करै ? गीत सेटी चुपड़ती बोली।

—नौकरी।

—किसी नौकरी ?

—लेक्चरार सी।

—लेक्चरार फेर कोई हुवै ?

—मोटा छोरां नै भणायै।

—अरे तो यूं कैवै नीं, मास्टर हुययो है। कितरी तनखा मिले ?

—आ ई कोई दो हजार रिपिया।

—अरे बाप रे ! इतरा ? म्हारै मूढागे सेडो चाटतो फिरतो अर अबै इतरसी

तनखा कमावण लागायो ?

—तू ई म्हारै सांन्है उधाड़ी फिर्या करती।

—आ ई कोई दो हजार रिपिया।

उधाड़ी सी कल्पना सूं गीता नै लाज आयगी।

—कहै लागी है थारी नौकरी ?

—अटैई थारै शहर में !

—सच्ची ? जद तो आवतो रहीजे संभालण नै।

बी रात महँ गीता है घरां ई सूतो। सोवतां ई झट नींद आयगी। पण आधी

क रात नै हाको-हूबो सुण र म्हारी नींद उडगी। कनलै कमरै में कोई आदमी

जोर-जोर सूं गाल्यां काढें हो। कदास जीजोसा हा। गीता है वास्तै खुशी रो

तोहफो लेय र आया हा।

—निकल जा रांड म्हारै कमरै सूं।

दूजी आवाज गीता सी ही। आवाज धीमी ही इण कारण म्हनै कान लगाय

र सुणणो पड़्यो—महँ कयूं निकलूं ? इण रांड नै निकाली। महँ तो सात फेर खाय

र आई हूं। ऊभी आई। आडी जासूं।

—निकलै है कै लगावूं दो लात ?

जीजोसा सी जबान लड़खड़ावै ही। कदास दारु चढ्योडो हो।

—मलाई मार नांखो पण महँ नीं निकलूं। इण रांड नै निकालो।

—रांड राड करै पड़ी; निकल बारै !

धम-धम सी आवाजां आवण लागी। सुमट लखावै हो कै जीजोसा तोहफे

सी गांठड़ी गीता से मोरां माथे पटकै हा। पछे ठरडण सी आवाज आई। छेवट

किणी दरवाजो बंद कर मांय चिटकणी लगाय दी। कमरै सूं अक मरद अर अक

तुगाई सी रली-मिली हंसी म्हारै कानां में सूळ-सी उतरगी।

थोड़ी ताळ पछै दुसका भरती काळी छीया म्हारै कमरै में होलै-होलै पूरी
अर मांचै कनै ढबगी। म्है बीरो हाथ झाल लीधो-गीता ?

गीता बावळी-सी हुय र हेटै पड़गी। म्हारी छाती में मूढो घाल र रोवण
ढूकी। छाती रा रू बीरै आंसुवां सू तर हुयग्या। म्हारो जीवणो हाथ बीरी मोरां
माथै होलै-होलै फिरण लाग्यो। म्हारी आंगळ्या बीरै मन री लाय नै ठंडी करण
रो जतन करण लागी। दोनू चुप पण मन भर्या-भर्या। म्हारी थावस सू बीरो
रोवणो हिचक्यां में बदळग्यो। थोड़ीक ताळ में म्हनै नींद आवण लागी। गीता ई
होलै-सीक उठ र बोरी बिछाय र नीचै आंगणै माथै सूयगी। म्हनै नींद में ई
लखायो कै म्हारै ओलै-दोलै हिचक्यां रो समंदर हबोळा खावै।

दिन ऊगतां ई म्है गीता सू सीख मांगी। जीजोसा अर बा लुगाई अजै कमरै
में ई बंद हा। गीता रा सासूजी काम-काज में लाग्योड़ा हा।

-गीता, अबै म्है जावूं ?

-हां भाई, जा ! सवा पोहर रो पीहर हुयग्यो। म्हनै तो अठै ऊमर काढणी है।

-तू अठै कियां दिन काढसी ? चाल म्हारै सागै, थनै गांव पुगाय दूं।

-नीं रे भाई। बैन-बेटी सासरै ई चोखी लागै। दांत मूँढै में ई शोमै। अठै
कम-सू-कम सासूजी रो सहारो तो है। उठै म्हारी भाभी नै तो तूं जाणै ई है।
मेहणा देय-देय र म्हारा कान पोला कर नांखैला। फेर मां-बाप कितरा दिन रा ?
पाका पान है। आज है अर काल कोनी। पछै थोड़ी क रुक र बोली - जीवती
रही तो राखी नै आवूंली !

गीता री आंख्यां सूज्योड़ी-सूज्योड़ी ही जाणै मक्की रा दाणा नै तवै माथै
नांख र फुलाया हुवै।

-तूं गांव कद जासी ? गीता पूछ्यो।

-थावर वार नै।

-मम्मी-पापा अर भाईजी नै कहीजै कै गीता मजै में है। बा सोरी-सुखी
है। कोई चिंता नीं करै !

म्है सोच में पड़ग्यो।

-अठै री कोई बात उठै मत कहीजै। नींतर बिचारा मां-बाप दो दिन
जीवता हुवैला तो ई नीं जीवैला। थनै म्हारी सोगन है। कोई बात मत करजै।
कहीजै, गीता शहर में सोरी-सुखी है। कोई बात री कमी कोनी।

म्है गीता कानी खरी मीट सू देख्यो। म्हनै लाग्यो कै बीरै गळै रो रंग नीलो
है। जाणै सगळो जहर कंठ में भेलो कर राख्यो है। बो सगळो जहर जिको लारलै
च्यार बरसां सू उणरै गळै में उतरण नै लाग्योड़ो हो।

म्है उठै रुक नीं सक्यो। बारै निकळतां-निकळतां अेकर पूठ फेर र
नीलकंठी नै निजर भर र देख ली अर पछै उणरी निजर सू अदीठ हुयग्यो।



काच रो चिलको

यादवेन्द्र शर्मा 'चन्द्र'

गवरली जिया है आभै कोनी जोयो बियां ई बीरो दीठ अक गिरज माथे पड़ी। गिरज खासा टणको हो। देखतै पाण ई गवरली है डील मांय सी कपा-सी बड़गी। अक सूनु बापरसी। बा बेगी-सीक उठी अर डागळे है माथे लकड़ी सी बणी मैड़ी है मांय बड़गी।

काच रो खिड़की सू जोवण लागी। गिरज अक झपाटे मारतो हैटै आयो अर भीत माथे सू अक मरचोड़ा ऊंदरो लेय र पाछो आभै में गमगयो। गवरली नै काठ मारग्यो। औ ऊंदरो कठै सू आयो ? अद्याणवक बीनै याद आयो कै औ ऊंदरो बीरो गळी मांय सू कागलो उठाय र लायो हो।

बा ऊंदरै बाबल केल सोवण लागी। बो ऊंदरो बीरै घर आभै समझोळ मचावतो हो। कदैई गोखै में आवतो अर कदैई चौकी माथे। आपरी मस्ती में रहतो। अद्याक अक गंडक ताक लगावतो बी माथे झपट्यो। पंजे सी अक ई बोट में ऊंदरो राम नाम सत हुयग्यो। बी बगत ई अक छोरे उठाय भाटो गंडक है मुँह माथे मारग्यो। गंडक रोवतो नाठ्यो। इणगी गंडक नाठ्यो अर उणगी कागलो ऊंदरे नै आपरी बूच में झाल र उड़्यो।

बो डागळे सी भीत माथे बैठ र बूच सू बीरो डील चूटण लाग्यो कै गिरज झपाटै में खोस लेयग्यो।

कितो डरावणो गिरज हो।

पतो नीं, बीनै गिरज सी ओळू आवतै पाण आपरो घणी, सासू अर देवर क्यू याद आय जावै। बीनै लाग्यो कै गंडक बीरो देवर है, कागलो बीरो घणी अर गिरज बीरो करकसा जामण।

ऊंदरो ? ऊंदरो कुण ? बा खुद !

गवरली मैड़ी सू बारै आय र तावड़ै बैठगी। तावड़ो सुहावणो लाग्यो। माथ रो महीनो हो। व्यालुभेर धोरां सू धिर्योई वूरु में हाडां नै धूजावण वाली झंफर बाजी।

गवरली नै लखावै कै अै घरवाळा बीरै लारै पड़्योड़ा है, ठीक बियांई जियां कै ऊंदरै है लारै पड़्योड़ा है गंडक, कागलो अर गिरज।

गवरली अक फूटरीफरी छोरी ही। घणी ई सुहावणी अर सुभाव सी बोखी। बाळपणे सू ई बा भावुक ही। जिंदगी रा मोह मर्या सुपना देखती। आपरै घर अर धणी नै लेय र बी कित्ताई गढ़-कंगूरा बणाय लीना। जैसाण सी बा छोरी आपरी मोम सी मूमल जैडी प्रेम-दीवानी सी भावुकता लियोडी ही। केई बरस उज्जैन में गाज्या। शहरी सम्प्रदा अर परिवेश नै अपणायो। पण बाप घणो ई गरीब। बापड़ो नामुली चाकरी करै। व्यार सौ रिपिया कमवै। इण सू घर रो खरचो ई सावळ नी धिकै। तीज-टांकड़े रो खरचो अखरै। मांदगी में तो हाथ साव ई तंग हुय जावै। बाप मांदो-मांदो-सो रैवै। मां सूख र कांठो बणगी। ऊपर सू गवरली रो मोट्यार हुवणो रातां सी नींद खोस ली।

अक दिन गवरली है बाप आपरी घरवाळी नै कह्यो - सुण गवरली सी मां, छोरी तो अकदम स्याणी दीसण लागी।

-छोरी चंद्रमा ज्यूं बवै....।

-पण ?

-इणरा हाथ तो पीळा करणा ई पड़ैला।

-तू सही कैवै। पण छोरी नै परणावण सू पैली की टका-पइसां से भी तो बंदोबस्त करणो पड़ैला। बातां सू तो छोरी फेरा नी खावैली। खाली नाक-कान टका वास्तै ई दो-व्यार हजार रिपिया चाइजै।

-आ तो न्है ई जाणू। मां बोली - पण बेटी तो राजा रावण है घर में ई नी खटाई, जद कै बीरै कनै सोनै सी लंका ही।

-जिको करमां में लिख्योड़ो है वो इज हुवैलो। बापू बोल्हो। थोड़ा-सीक दिनां में गवरली आपरै माईतां सी चिंता समझगी। स्याणी अर समझणी छोरी इण जथार्थ नै ई जाण लियो कै बाणियां है लोभी समाज में गरीब छोरी रा हाथ पीळा हुवणा घणाई दोरा है। औ धन सू धायोड़ो भूखो समाज है। दायज में अणतै नकद नारायण सी बातां करै। फेर ?

बा भोकळा दिनां तांई सोचती रही अर सेवट उण औ निश्चय कर्यौ कै बीनै आपरै मां-बाप अर छोटा-छोटा भाई-बैनां खातर अक नुवै जीवण सी शुरुआत करणी चाइजै। कमर कस र कमावणो चाइजै। छोरी हुवतां थकाई छोरे सी गरज पूरी करणी चाइजै। उण आपरा विचार मां-बाप साम्है माख्या। मां-बाप सी आख्यां फाटगी। इण छोरी से माथो तो नी खराब हुयग्यो ? आ फूटरीफरी छोरी जलम-भर कंवारी हैवैली ? छोरे ज्यूं कमावैली ? बाप कड़क र बोल्हो - छोरी ! अणूती बात मुँह सू निसारतै सोच्या कर।

मां मैणा देवती बोली - आ छोरी कदै-न-कदै धोळां में धूड़ घलावैली।

गवर्ली नै लागयो कै उणरा मां-बाप साव जुनै खयालां रा है। उणा में सांच से सामनो करण से कालजो कोनी। ... फेर तो रात-दिन गवर्ली माथे टुणका नांखणा शुरू हुयया। सेवट गवर्ली आपरै होठां रै टांका लगाय लीना। संजोने सूं अक छोरो मिलयो। चट मंगनी पट ब्याह कर काढ्यो। गवर्ली नै सासरो चोखो नी मिल्यो। धणी जुवारी। खिया सासू भाटै ज्युं करड़ी। बात-बात माथे अक ई मैणो देवे - थारै आवतां ई घर रा तीन डांडा हुवण लागया।

देवर बीरै फुटरापै माथे कोजी दीठ राखै। अक दिन गवर्ली आपरै देवर छगन नै कूट काढ्यो। बी हांचल में हाथ घाल्या। गवर्ली आखै घर में ऊधम मचा काटी। दारू पीयोड़ो धणी आयो तो सगला जणा मिल परा बापड़ी गवर्ली नै जतराई। गवर्ली आपरै बाप नै उज्जैन कागद नांख्यो। कोई पड्डतर नी आयो। फेरुं कागद...। दो-चार कागद फेरुं पण कोई पड्डतर नी आयो। जाणगी कै वै सैग बी खतर मरया। फेर तो गवर्ली रा दीन घणाई खोटा हुया। तीनां से जुलम सहतां-सहतां बापड़ी पीली पड़गी।...

आज ऊंदरै सी दशा देख परी बा ऊंडै विचारां में डूबगी। बा भी तो उण ऊंदरै जियां है। अक दिन तो बीनै मरणो इज पड़सी। इण जूण सूं फुटकारे पावणो इज पड़सी। तीखी डांफर उणरै डील सूं आबड़ी। वा चिमकगी। पगोथियां पासी ज्यो तो उणरो देवर होलै-होलै मुलकतो दीस्यो। बीरै उणियारै माथे नाग घूमै हा। वा उणरी नीयत पिछाणगी। देवर अगाड़ी आय र कह्यो - 'तूं म्हारो कह्यो मान लै तो म्है थारी जिंदगी बणा देसूं। थारै च्यालेसर सुखां रा डेरा लगा देसूं। -म्हनै सुख नी चाइजै। तूं थारो रस्तो लै।

-मान जा, नी तो थारै हाडां रो आज चूरमो करा देवूतो। देवर धमकी दीवी अर थोड़ोक नेड़ो आय र बीरो हाथ झाल्यो। गवर्ली फड़क सूं अक थपड़ मारयो। देवर दांत पीसतो गयो परो। बी बगत ई अक घायल कबूतर बीरै खोलै में आय र पड़्यो। उण देख्यो - अक बाज हो। तूफानी गति सूं मंडरावतो बाज। गवर्ली घड़ी-घड़ी कदैई बाज नै अर कदैई कबूतर नै ज्योवै। फेरुं बीरै हिवई में उथल-पुथल मवै। मुगली रा हेलत असवाड़े-पसवाड़े गूजै। बा घड़ी-घड़ी सोवै कै बाज रै पजां मांय सूं कबूतर छूट सकै... मौत रै मूँदे सूं नीसर र जीवण पा सकै... फेर बा कयूं नी ?

गवर्ली रो उणियारो गहर-गंभीर हुययो। उण बठै नी रैवण से निश्चय करयो। बा अठै सूं जासी। बंधण मुगत हुसी। आपरी नुंवी जिंदगी सोधसी। आपरै दंग सूं जीसी।

गवर्ली ऊभी हुई। उण इणगी-बिणगी ज्यो। गहरो सरणाटो हो। बा हैट उतर परी घुरी मोड़ै सूं बारै निसरगी। बीरै मूँदे माथे काच से चिलको पलकै हो।

भारमली भाजी कोनी

रामकुमार ओझा 'बुद्धिजीवी'

किरल्यां मथारै आयगी। चांद खितिज-सागर में कूदया। रात से दूजो पोहर बीतगयो। पोहर बीततां पपीहो बोलैला। अर भारमली नै औ घर, औ गांव छोड़ र जावणो हुवैला। चूड़ीवालो हू-ब-हू पपीहै सी बोली बोले। बा चकोरी ज्युं उणसूं बंधी चली जावैला।

सींद तो आई ई कोनी। कालजो मथीजतो रह्यो। भारमली, तैं औ कांई कथो। थारो आचरण गांव खातर मरजाद सी सीव। पंच-अथान पंचायत बीच थारी साख धरै। पण दिनूगै ठाह पड़्यां आखो गांव थारै नांव माथे थू-थू करैला। मुकरजा भारमली, अजैई बगत है।

बा ऊभी हुय मांवी माथे बैठगी। अबै आभै में चांद नी हो। अथान गगन सागर में डूबगयो हो। चूड़ीवालो इज कैवै हो - भारमली, म्है डूब मरुंलो जे तूं म्हारो साथ नी दियो।

उण भलै भिनख से कांई दोस ? म्है ई बेल नाळ ज्युं बंधी अर उणरै चौफेर जाय लिपटी। न हाण देखी न जोड़ी परमाण। बा उठती जवानी सी मौल अर म्है भटकती लहर। औ तो नित-नेम सूं जीवण बीतावती आई जणा डील से उठाव नी दळ्यो। उमर से ठाह नी पड़्यो। भोग सूं डील छीजै। पण म्है तो दस बरस सी ही जणा रांड हुय र बैठी। ब्याह हुयो हुवैला कदैई। पण म्है कद जाणी ? चूड़ी फूटण रै सागै बरजणा-बरकणा शुरू हुई। सासू-सुसरा पांडु भिनख पण जेठ दारुडियो। बीसी तुगाई रोगली। उणनै मारतो-कूटतो अर म्हारा लाड-लडावतो। पण होश संभालण रै सागै ई म्है उणरी नीयत पिछाणगी। अक इसी ज रात बो दारु रै दौर में आयो। बीरा पग डगमगावै हा। म्है सावचेत ही। भाज छूटी। जावती-जावती उणरै माथे डावोड़े पग से जूती ई ठरकाई। भारमली आपरै भीतर उठती आवाजां नै पड्डतर दियो।

तद से आई भारमली बाप-दादै रै गांव सी कांकड़ नी तोड़ी। कदैई खोड़ नी लागण दी। पण सासरै दाई पीहर में ई भिनखां से तोटो। फगत आंधी मां अर

दमै सँ जकड़ीज्योड़ो बाप। इण हालत में उणनै मरदजात ज्युं जीवणो सीखणो पड़्यो। बाप-दादैं सी घर-गुवाड़ी अर खेत-बाड़ी सम्भाली। गांव-गली में आपसी मरजाद कायम करी। बगत-जरुरत लोगां रै काम आवती। आयै-गयै जानी नै पाणी पावती। घड़ी-अघघड़ी सुस्तावण रो कैवती। इणी नैम रै चालतां अक दिन जद हारयो-धाक्यो, तू-लाय से मारयो चूड़ीवालो उणरै नीम हेट आय बैठ्यो तो भारमली उणरी रिछपाळ करी। लांबो-झीवो, गोरो निछोर। जुवी कचनार कुंपळ दाई जेत सी लाय में कुमळाइज्योड़ो मुंडो। बटै नेठाव सँ बैठ र पाणी पीवण रै सामे ई डहडहइज्यो। छोरो आपरी काठ सी पेटी माथे ऊंवाय बहीर हुयो। भारमली किंवाड़ सी चौरखट झाल्यां जोवती रही। उणरै मांय सँ कोई बोल्यो-चेत भारमली।

भारमली बार-बार चेतणो चाह्यो पण उणरै मांय सूती लुगाई अँड़ी जानी कै फेरुं बीनै चैन नी पड़ी। मांय-रो-मांय प्रीत से गुमड़ो पाकण लाग्यो। छोरो माथे पेटी ऊंवाया गली-गुवाड़ हेले पाड़तो-चूड़ीवालो...चूड़ी ले लो...रंग-विरंगी चूड़्यां। भारमली हेले सुणती अर आपरी सूनी कळाइयां नै हेरती। गोरा हाथ चूड़ी बिना उणनै आपरा नी लागता। उणनै लखावतो कै अँ किणी दूजै रा हाथ है। उणरै हाथां तो चूड़्यां ओपै।

बापड़ो छोरो बिखै से मार्यो है। रोज आवै अर उघाड़ी धरती माथे सूर्य जावै। भारमली उणनै मांवा देवण लागी। मुफ्त सी रोटी खावण सँ छोरो मुकरयो तो भारमली बात राखी-थारी कमाई में तू म्हारो सीर घाल लै।

छोरो रोटी खावण लाग्यो। पण भारमली रै मन में ऊभ-चूभ। रोट्यां कम खावै, कमाई ज्यादा करै। अक दिन सिंइया भारमली बोली-दिनूगै म्हें बड़ई नै बुलाय र थारै सारू रेहड़ी बणवाय देवूला।

—पण पइसा ?

—थारी कमाई रा है रे। म्हें कोई म्हारी गांठ सँ थोड़ी खरचूं। किरत्यां औलं ऊंयो आई। भारमली नै ई पेलै दिन सी बात चेतै आई। छोरो बोल्यो-म्हारै कनै भांत-भंतीली टिकाऊ चूड़्यां है। बा अक जोड़ी तू ई पैर देख तो सरी...

उणरी भोळप माथे भारमली मन में दुखी हुवता थकाई मुळकी। बत्तीसी सी आब बिखेरती-सीक बोली-धत ! तू जाण कोनी। जा, किणी दूजी ठौड़ बेव। बा मांवा सँ उठी। तारा खिंड-खिंड पड़ै हा। कदास बीरो हंसी तो नी उडावता हुवैला। ऊं हूं। तारा बापड़ा उणी रै उन्मान भोळ-ढाळा। वो तो थारै मन रो पाप है जिको मुळकै।

भारमली जिको की तैवज्यो, सदा पुरो करयो। आज ताई किणी नै धोखा नी दियो तो आज कयूं देवै। समाज मन मार बैठणवाली नै सरावै पण मन सी मुराद पुरी करै उणनै छिनाळ बतावै। म्हें कंठां ताई धाई भूंडी मरजाद सँ। करतार रंग-रूप दियो। अरमान दिया। उणनै रेत में राळ परी परमात्मा रै सांझै कोई

नखलो देवूला ?

उण आपरै मुँडै माथे पाणी रा छावका दिया। दीवो चारयो। पेटी खोली। दरपण काढ्यो। कांगसी थामी। बाळ संवारया। माथे हीनाळु सी टीकी लगाई। पछे बाखळ में आई। भीत रै सहारै ऊभी चमेली सी बेल बीनै झाला, देवली-सी लागी। लोटो भर पाणी उणमें सींथ्यो। चमेली भायली। इतरा दिन म्हें म्हारै दम-खम सँ जीवती रही, अबै थनै जीणो है। नीम रा पत्ता झड़-झड़ पड़ै हा। ओ कोई वसंत रूत में झड़ाण ? इणी बगत मन रै मांय सँ फेरुं कोई बोल्यो-रुत परमाण नी, अवस्था परमाण झड़ाण शुरू हुवै। जाण, ओ नीम थारै बाप रै सायनो है।

—अर म्हें ? भारमली नै लखायो जाण बा खुद नै कोई बात पूछै ही।

पण म्हें अकन कुंवारी समान। म्हारै मांय से रस कद सूख्यो ? हां, पाळो जरुर पड़्यो। अबै पाळो छंट्यो है तो हरियावणो इन चाइजै। देख, तू जिकी सोकन म्हारै मांय सँ बोलै है नी, म्हारो रूप देख। उण फेरुं दरपण झाल्यो। दीव रै उजास मांय आप ऊपर आप इन मोहित हुवती रही। उणरो अंग-अंग टूटै हो। उण आळस हाथ ऊपर करयां कांचली फाट्या-सी लागी। माथे केसा सी लट झूलण लागी। पण धक् ! छाती में धमीड़-सो लाग्यो।

भारमली, ओ काई ? औलं देख। सावी है कै कूड़ ? नेठाव सँ देख। कितरा धोळा बाळ — अक-दो-तीन...। आज ताई देखा ई कद हा। काई मिणती है आंसी। बा आज ताई पाणी में मुंडो देख र केस बांधती रही। दरपण बरसां सँ पेटी में ई पड़्यो रह्यो।

भारमली मांवा माथे पसरणी। उणनै लखायो जाण चूड़ीवालो ऊभो उणनै हेर रह्यो है। केसां में आंगळ्यां फेर रह्यो है।

रात रै अंधारै में हकीकत सूझै कोनी। आज ताई उण म्हनै भर निजर देखी ई कद। दूर सँ देखा-देखी चालती रही। बातां-ई-बातां मांय भाजण सी तेवडीजगी। दूर जावणो जरुरी। गांव सी कांकड़ में सत भंग नी करेला। देख रे, तू दूर जाय र मांग भरजे।

—पीऊ...पीऊ...पी कठै ? पपीहो बोल्यो। किरत्यां गमगी। तारा टीमर हुवण लागया। भारमली सँ उठीज्यो कोनी। पपीहो दूर बोलतो-बोलतो हारयो तो नेड़ो आवण लाग्यो। पुकार में दरद घुळतो ई गयो।

भारमली निढाल हुयगी। पी-पी सी पुकार बेगी ज तकरार में बदलगी। हाण परमाण हेत चाल्या करै। बेओपता जोड़ा छेकड़ भूंडीजै। मानी प्रीत आंखी हुवै पण धोखो नी देवै। भारमली देख...तू रात से तीजो पोहर अर बो खिंडतो चांद ई अंधारै में भटक र मरसी। जिकी चाह जाणण सांगै पिछलावो ई जाणै, बा चाह नी, छळावो हुवै। अँड़ी चाह भिटै ई बेगी। तू उणनै जावण दे।

होळै-होळै पपीहै री आवाज थमगी। कुत्तां री भूस सुणीजण लागी।
भारमली मांची सूं उठर कोठै मांय गई। कांचळी में कीं दबायो अर भीत सहारै आय
र ऊभगी। उण आपरै मांयली लुगाई नै मारण में कीं कसर नीं छोड़ी ही पण अबार
वा भीत फोड़ भाजणो चावै ही।

अचाणचक भीत रै दूजी कानी चूड़ीवाळै रो मूंडो दीस्यो। बो होळै-होळै
झाला देवतो कैवै हो — आ भारमली अबार गाडी आवणवाळी है।

—बीर तूं जा। म्हैं थारै जोगी कोनी। देख म्हारै....। अर भारमली आपरी
लट खोल र दिखाई।

चूड़ीवाळो खड़-खड़ हंस्यो जाणै रात जागी हुवै — विधवा लुगाई पचीसी
आवता थकां ढळती मान लेवै। अंधारै में काळां रै बिचाळै धोळा ई लखावै। जे तूं
संयम सूं डील संभाळ राख्यो है तो पैंडो चालतां म्हारो डील ई गळ्यो कोनी। म्हैं
ई कोई अकन कुंवरो कोनी। म्हारी पारो म्हनै दगो देय र रामप्यारी हुयगी। म्हैं
उणरै उनमान थनै देखी तो दिल दे बैठ्यो।

—नीं रे, कूड़ नीं बोल। संभाळ थारी कमाई री बचत।

—तूं फंटवाड़ो करै तो थारी मरजी। पण म्हैं तो थनै....। अर बीं हाक देखी
न बाक, भारमली री कळाई झेल र चूड़्यां पैराय दी।

भारमली नाड़ ऊंची कर उणनै भर निजर हेस्यो। बा बोली—आ, भीतर आ।
अबै म्हैं भाजूं कोनी। तूं अंधारै में चूड़ी पैराई, आ थारी भूल है। म्हैं तो दिन रै
उजास मांय मांग भरावूला। देखूं, कुण पालै म्हनै !



कांचळी

रामेश्वरदयाल श्रीमाळी

गाडरां जैड़ा धोळा केसां री बिखरचोड़ी लट सूं झूपै रो उळइयोड़ो खीपड़ै रो तिरणो पोपली आंगळ्यां सूं काढ, हाथ में अंगरेजी बांवळियै रो बांको चिटियो लेय, खाड़का पैर र डोकरी समधा बारै निकळी। झूपै रो फळो बीड़ र भंडारियां री दुकान सांम्ही चाली। झीर-झीर हुयोड़ो गोडां लग रो घाघरो अर लीर-झाण हुयोड़ो ओढणो। ओढणो घणो मैलो नै जूनो, जिको रंग रो ई कीं ठाह पड़ै नीं। अक पल्लै में संभाळ र राख्योड़ा जुंवार रा दाणा।

झूपै सूं बीसेक पग माथै हणमानजी रो थान। कीड़ी री चाल डोकरी चिटियो हिलाती थान तक पूगी। थान कनै जाय र धोक दी। जुंवार रा च्यारेक दाणा पेड़लै माथै बिखेर र डोकरी पाछी झूपै सांम्ही वळी। मेरणो उघाड़्यो। खाड़का उतार्या। चिटियो खूणै में ऊमो कियो। धान संभाळ र पाछो मटकै में घाल्यो। मटकै माथै ढक देय र झूपै बारै नीसर गवाड़ी में छाटी-सीक नीमड़ी री नाजोगी छीया में बैठगी।

ऊनाळै री रुत। हवा बंद। तपत घणी। नीमड़ी रै नीचै अक लांबो-लड़ाक कुतो पड़्यो जोर-जोर सूं सांस लेवै। कूतरै नै धुतकार र चिटियो सांम्हो कियो, पण कूतरो किणी रिश्वतखोर बाबू ज्यूं निसरड़ो हुय, जिको डोकरी री धुतकार नै धार्यां बिना ई चुपचाप आंख्यां मीच र पड़्यो रह्यो। डोकरी में घणो सत कठै ? बा पण अक कानी पसरगी।

समधा मन नै समायो-म्हारै कांई बाई ! म्हारै तो कोई धियो न कोई पूतो। म्हारै अठै कुण है जिको बै पाछो देवै। कदैई करमां छाछ रै छांटै रो काम पड़ै, जिको ई दोरो घालै।नै लारै जुंवार रही ई कठै बाई। अँड़ी माणो भरी हुवैली तो दस-पनरै दिन नीठ चालैली। पछै किणरै मूँढे सांम्ही जोवणो ? पोपली मुंढो कर र किणरै सांम्ही हाथ पसारां बाई ? जिण पांतर तो पुसबाड़ी नै बैत कांचळी रो कपड़ो नई दियो, नै सात सुख ! समधा अक निराशा भर्यो सैरको नांख्यो।

समधा सूती पण मन नै जक कठै ? कांई ठाह छोरी हेजाळी है, लाण माथै हाथ फेरावण नै आई तो कांई हुवैलो ? जे खाली हाथ फेरूं तो भूंडो कोनी लागै ?

मूँडो तो बाईं लागै ईज । समया रांड तो कोईं हुयो ? घर में कोईं कमाऊ कोनी
पण शेट्यां रो देवाळ तो द्वाराका रो नाथ है । दाणी—दाणी माथे खाणैवाळै री धण
उण लगाई है । मन तो लोभ करै ईज । मन रो कोईं — मन लोभी, मन लालची,
मन चाल मन बोर । पण मन रै मरौ थोडो ईज चालीजै ।

विद्यो से सहारो लेय र समधा उठी। रेत झटकण घाघरै माथै हाथ झटक्यो। झूंप में गई। फटयोई ओढी रै पल्लै में घणै जतन सूं जुंवार भरी। धार-छह दाणा बिखरया हा, उणनै ओक-ओक कर चुग्या। अन्न देवता है। देवता नै पणां में किया बिखरै गई। सूझतो थोड़ो हो जिको जर्मी माथै हाथ फेर-फेर नै सावल जोगो। दौ-धार कांकरां नै ई जुंवार रै भरोसै घाल्या। मूण माथै ढक दीनो। फलो ढक र दुकान कानी जावण बारै नीकली जद सतोख से ओक टुकड़ो मूँद माथै उतरयो — लाण पुसबा नै बैत कांचली तो देवणी ज चाइजे।

जगत् । यात, डाकरो से आल्हा डकडबायगा । मरठ चाइजें जिको वटै इ चाइजे । नीतर नरबदा रे कोई जावण रा दिन हा ? कितरी भली ही लाग । बोलेली जरे फूल खिरता । जेतणी-जेतणी कैवती जीम सुखावती ही लाग । अंग में आल्हा रती-भर ई कोनी हो । आखे दिन छोड़ै दाईं दौड़ती फिरती । फगर-फगर काम करती । सगळें सू बणाय र चालती । फूटैफरी । गीत-गाळ में हुंसियार । पण इसा मिनख ओछा दिन लिखाय नै लावै । ओक दिन ताव आयो, नै जाणै ही-क ही ई कोनी । सपनैवाळी यात बणनै रहणी । उण दिनां पुसबाड़ी पांचक बरसां री हुवैती । हरनाथ म्हारे खोळें में नैनकड़ी लट नांख नै कह्यो हो — मामी, बापड़ी अबाली जिनवार है, हमें थै जाणो । म्है तो थानै संपुं र.... । कह परो जालमनो हुय र शेवण लग्यो ।

साल भरशेई पोपलै मुँदै माथै मुलक से अेक रेख बिखरी। कैड़ी म्हरसी छाती रे पिप र छागो रही ही। जाणै सागी ई मां होवें। ओ ई कोई आगोतर से लैगियो हुवै है। म्हरै साथल नई फाटी तो काई, सांघरिये रे औरतो पूरो करवावणो हुवै तो...वेहरे माथै उदारी से अेक बादली ऊमटी अर बिना बरखां ई भारी बूही। निपूती हुनप से बात सूळ हुवै ज्यै चुभी। बाळ-विधवा ही लाग।

अबै पुसवा कैड़ी फूटरी दीस। कपड़ो-लतो कैड़ी ओपे, जाणै इन्दर से अपछा। गाल कैझ गुलाबी पड़्या है, लोही जाणो हमै टपकै के हर्मै टपकै। वेहरे माथै नूर आपयो। मूडो जाणै देखो तो देखता ईज रैवो। च्यार दिनां पैली लटां में जुंवा रा माळा टिरा हा। म्है कह-कह नै थाकगी-ओ पुसवाड़ी रांड, धारै इतरी-इतरी जुंवा टिरै। आव, माथो परो धावें। कैड़ी मिलो धिकार हुयो है। कपड़ा पैरती तो जाणै खूटै रे पया टेरिया हुवै ज्यै। पप से ब्याउवां सूं लोही बैवतो। पण हर्मै ? ...बगल-बगल से बात है।

भायली जुवार देय र डोकासी सामघा बँत भरयो तापटें रो टुकडो लाई। कांई करा बाई ? बाणिघ रो बेटो, लेता ई खाय न देतां ई खाय। मीनर पायली धान

रा बटण लागोडा। कावी मोमरी थकी आंख्यां माथे कालो चरमो। हाथ में राजवियां वालें दाईं काम कियोड़ी चन्पण सी छड़ी। आपने-आपरा नसीब। डोकरी आपनै साद नै थोडो ताबे कर होलै-सीक कह्यो - बेटी, पुसबा बेटी।

पुसबा आपरो सामान बैलकी में रखवावती ही। उणनै डोकरी से हेला गिनारण सी फुरसत ईज कदै? सगला ना अक-अक कर र सावचेती सूं गिणै। जे कोई सामान लारै रह्यो तो हणां से सुभाव ईज बालणजोगो है। पैरण-ओढण में, खावण-पीवण में कितरो ई छूटो, मूँदे मांय सूं हरफ ई कोनी काँदै, पण नुकसाण अक रत्ती से ई दाय कोनी आवै। अक-अक सामान गोख-गोख नै याद करै।

डोकरी थोड़ी उतावली थकी बोली - पुसबाड़ी। हां ओ बाला, सुणै ई कोनी ओ।

पुसबा से च्यार बरस से छोरो डोकरी नै देख र चमक र रोवण लाग्यो। छोरे नै रोंतां देख र पुसबा डोकरी नै सांन्हो जोयो। मन में विचार्यो - डोकरी की रिपिया-पीसा मांगण आई हुसी। घर-धणी घणा दोरा कमावै। रिपिया किसा रस्ते में पड़्या लावै है, बाई। सुर में थोड़ी खीज भर र कह्यो - कांई कैवै है, धा।

समधा चिटिरे नै सहारै ऊभी हुय र हाथ हिलाय ओल्मो देती थकी बोली- हां ओ बाला, तू तो माथै हाथ फेरावण नै ई कोनी आई ओ। सासरै जाती नै भिजाज आयो बाई तनै तो। कैवतां-कैवतां सुर गल्लावो हुययो। आंख्यां रा कोयां में कोड सूं आलास छाययो। पोपतै मूँदे सूं हंसती-हंसती धणै कोड सूं लायोडा बटको सांन्हो कियो।

पुसबा देख्यो, लाल तापेट रो बैत भर्यो बटको। औ औडो हलको कपड़ो फेर कुण पैरैली? आज नै सुख में लारला दुख रा दिन कणनै याद रैवै? डोकरी नै कोड नै धन बावली पुसबा कोनी परख सकी। उणरो दोस ई कांई, पीसावालां सी डीठ में हर अक बसत से मोल पीसां सूं आंकीजै। पुसबा सी डीठ में बैत कपड़ै सी कीमत आठ आनां सूं बेसी अक पीसो ई कोनी ही अर माथै मण भर्यो पहाड-हरनाथा। थारी छोरी नै आवै जितरी ई बार कांचली दे नै भेजूं।

रुखै सुर सूं कह्यो - हमें इणनै लाय नै कयूं तकलीफ देखी धा। म्हारै अँट औ तापेटो कुण पैरैलो?

डोकरी नै कानां में जाणै उकळतो तेल पड़्यो। भावना नै गिगनां सूं हेठी लोकीज बा चितबंगी हुवै ज्यूं हुयगी। उणनै एहसास हुयो, बा गरीब है, उणनै सावजोग कपड़ो कोनी जुड़ै। पुसबा जैड़ी अमीर घर सी बहू नै बैत कांचली देवण से उणनै कोई हक कोनी।

समधा रा पग चिपया। पाखाण-पूतली हुवै ज्यूं बा बठै ईज ऊभी रही, ईश्वर नै मांड्योई व्यंग्य चितराम ज्यूं।



राजीनांवा

विजयदान देशा

ऊमर परवाण जूण से खरडो छिण, पल, घड़ी, दिन, मास अर बरसां तळै ओटीजतो जावै। पण कदैई-कदैई ठेठ बालपणा से कोई बात आखी ऊमर नीं कझलाईजै। मोमर तळै यू-सी-यू जगामग करती लावै। आज तो म्हैं अक लेखक सी मरजाद निभावूं पण वो दिनां तो फगत कोरो-मोरो पाठक हो। बांचण जोग कोई पोथी हाथै लागी नीं अर डकळ-डकळ आंख्यां सूं पी जावतो। कदास नवी कलास में भणतो, वां दिनां से बात है। म्हैं खुद तो घरै ई रैवतो पण बालगोटियां सूं भिळण से उमायो दूजै-तीजै दिन चारण-बोरडिग से भळको अवस दे आवतो। सुभाव तो सगला ई टाबरां रा न्यारा-न्यारा हुवै पण रणसीगांव से आसकरण अक अजब ई ओपरा सुभाव अर ओपरी बणगट से हो। मतीरा ज्यूं गोळ सफीट माथो। लांबी चोटी। धुगधुगो डील। खीलां-ई-खीलां रुथोडो गोळ मूंदो। मीचरी-मीचरी आंख्यां। जाणै पाचणा से चीरो देय मांय बैठणी हुवै। किणी सूं ई अणूती ओलखाण नीं। अकलखोरो। बतलायां जरूर-परवाण नीठ बोलतो। आपनै ई दंद-फंद में अळूझोडा। मन करतो जणई अक भळभळतो काच मूंडागै धर लेवतो अर हाथां रा लटका करनै आपनै प्रतम सूं ई निरी ताल वंतल करतो। साथी-साईना बख लागतां ई चिड़ावता पण वो किणी से कीं गिनार ई नीं करतो। जाणै भाटा नै बतलायो हुवै। मन-मनै ई सिण-किण मुलकतो रैवतो।

कमरां में माहोमाह घणकरी उणरी ई गांगरत चालती। सुणतां-सुणतां म्हारै पाखती खासी-भली चरपरी ख्यात जुड़ती गी। वो कांच में टग-टग भाळतो इण भांत आपरो उणियारो निरखतो जाणै कोई दूजो ई माणस हुवै। अर इण भांत निसंक वंतल करतो जाणै किणी गाढा भित सूं सुरपुर करै।

अकर फाटोड़ी चूंदडी नै घड़वै रंजी झाड़, काच टेबल माथै धर्यो। सांन्ही कुरसी माथै बैठ, थोड़ी ताल तांई आपरो प्रतम निहारतो रह्यो, जाणै ओलख में आंटी पजगी हुवै। पछै होठ मुलमुलया पूछ्यो - अबकी तिमई में फेल कीकर हुयो?

मुँहो छानार होके—सीक लहुरार दिथो — म्हँ अकतो ई तो फेत नी हुयो।
कलस मे अकल सू बेसी लहकल फेर हुया।

मे ओखल फाव आकल पुर मे फटकार बलई — हुवा पडवा धेड मे। धने
कात सू कदै बललो। कदै लरने—लरलो। घर सी बडी परवाण बैबलो चाइयो।
बने लख फोरी घर मे फिली मेन पडबोही। धाने रोटी नी खाव नईन धने
भगवै। अर दिखे ई की परवा ई नी।

—लख अणुवा सेरा आवा।

—धरै अकल लक ई सेरा आवा ? हुवा लहकल पास कीकर हुवा ?

—भगवोही तो धनी ई कल। एग इमिषान ई नांव अँही धकधडी छुटै के

अरै उको ई भुल जावू।

—तोखनी अर बल तो खाली सीछयो। सारब मन लगाय भनीला तो थुं
ई सुख नईन। कल खेत सुस्त सुगरी, अब कोई चुक करी तो थुं धारी जने।

—ई भूली ई नी जणु तो दुखो कुण जानैला ?

—ओखलकल सी जौर धनी बबनी दीसै ?

—ईन हुई तो नालो। आ ई मन मे कय राखो ?

—लख करलो दबै के जन्मवुं से—धार झाप मे।

पछै वो काती भुल धारली। घडी—घडी बलझयो तो ई नी बोल्थो। अकर
बो—हीन बडी दिन बलबो भोखो उठ्यो तो उणने जने निनी खारी लागी।
अंका—अंका मे उखलिया घट ई काव भुंजने धरने दांत पीसतै बूझ्यो — रावै इनो
भोखो कयु अयो ? अरत सिनेमा मे उखलियो दीसै।

—भोखो—सो नोखो जवुं अर धाने तो झट सिनेमा से दैन हुवै।

—वो साव बल पिथो कदै ?

जिज्जह मे सल धार बनेही लख उतरांत सोच-विचार नै बोल्यो — धोका
ई बौक नालीनी सू सिझा रा निरान ने पिथो। नई तो धनी ई नट्यो एग वै ब्याङ्क
कलब टाव बलगा ई नी दिथो। पछै आबो हुबल ई कंघ आधनी। जानां ई सीधो
बोईहरा कानी न्हारो। सिनवास नी हुवै तो—

—धरै जवै नै कदै मिललस ! नई सै बलब कर लिया। करनीदान अर
लनकलस ई साथी पिछा धार भुवा टाकीज पधारया। धने किनी बका समझायो
के आ लकणां से सावो भल कर। एग धरै करे जद। अर वडै न्हारै सांन्ही झूठ
कंघनी बदे। थुं केवै तो बने लख गुलाव पुवुं ?

आ बल भुपला ई काव नॉयली छिब से लप मुँहो उतरयो। ओखल
हुबलबो कदै—उडी लाखा—गुला करण लगयो। पछै दीनू हथ्यां कल झालयो
जिगपयो — कलै धुड—जानी हुयनी। अबे कदैई भुल नी कल। आज—आज भानी
भगलप दो।

—भाफी बगसायां सू थुं सांन्ही वतो इतरैला। अकर सावळ भरणी उतर
जावै तो पछै केई दिनां ताई निरांत। निसझा ई लाज—सरम से वास्तो ई नी। गांव
से भाईयो दोखियां सू ई भूंडो। वारे बख लागै तो बोखलो छुडाय दै। घरवाळां
सी सी आस थारै माथै अटव्योही। ज्यू—ल्यू उकीलात पास करलै तो घरवाळां रा
फोडा भरै पडै। नीतर घरवाळां सी आस माथै बीजली पडैला उको तो पडैला ई,
एग धारी गत ई भूंडी बिगडैला। वा ई कस्सी, वो ई सूड। वा ई झाडबड, वा ई
कूतर। वो ई हळ, वै ई कमरा। वो ई तावडो, वो ई परसेवो। वै ई लुवां अर वा
ई छान। सावळ मन लगाय नी भण्यो तो थारा कांटा थारै ई भागीला।

—न्हारा कांटा न्हारै नी भागी तो काई थारै भागीला ?

—न्हारै ! वो इचरव अर गलाधम मे अलूझ संका कीवी। पछै मीचरी आंख्यां
काड काव ई सांन्ही जयो। भलां इणमें थोबडी सुजावण सी काई बात ! भलाई
सी बात ई खारी लागी ! अे दिन तो कुदड़का मारता खिसक जावैला अर पछै
पिछतायां की सांधो नी लागै।

अरे ! काव मे औ गवा से मुँहो कीकर परगट हुयो ? लारै कोई गयो तो
नी कमो ! वो झिझक नै पाछल फोरी — की न काई ! पछै सांन्ही—सांन्ह मुँहो
करवा आपरो इल उणिपारो सुमट दीस्यो। ठौड़—ठौड़ खीलां—ई—खीलां।

कुला सी गळाई अे कल इला लांबा कीकर हुयया ? आंख्यां मीच पाछी
खोलतो तो कल पाछा छोट्टा हुय जाता। कानां सी लोळां घडी—घडी ताण
खीचतो। चिट्ठी आंगळी सू ठेठी काढतो।

अकर देसी छालो पीयां मीचरी आंख्यां मे ई रंग आपयो। काव भाज्यो तो
उणिपारो असीयो लखायो ! मीट गढाय बूझ्यो — थुं कुण है भाया ?

—न्हनै ई नी ओळख्यो ?

—कदैई देख्यो होवुं तो ओळखू !

—थारी अँही मत कीकर बिगडी के आपोआप नै ई नी ओळखै। आ तो मौत
सू ई माडी बात है।

—माडी हुवो भलाई सिरै, पैला थारी पिछाण तो बात, थुं है कुण ? न्हारा
दरपण मे डेरो कयु जभायो ? थारो काळो मुँहो कर अता सू।

—न्हारो मुँहो काळो हुयां थारो कीकर बवैला। आछो हुयो रे बावळा, धने
इनो ई बेरो कोनी के थुं है जको ई म्हँ हू।

—म्हँ हू जको ई थुं है ?

—हो !

—पछै म्हँ ओळख्यो कयुं नी ?

—वा तो थुं जाणै। कदास दाल पीयां आंख्यां सी तासीर बदळगी दीसै।

—काई थुं वळै दाक पीयो ?

—म्है नी पीयो, थू पीयो।

तठा उपरान दोनू हाथा माथो झाल वो थोड़ी ताल गिड़ा सी गलाई अक्कल बैठो रह्यो। पछे नीठ हीमत करनै टमकारती आंख्यां काच सांन्ही जोयो। माथे अ दो सींगड़ा हुवे जूयूं कांई ऊगोड़ा ? देखणी चावै तो ई नी देखीजै। कुरसी छिटकाय भवकै ऊमो हुयो। हाथां लुकायोडो बंडल अर आगपेटी लेय पाछो उणी भांत कुरसी माथे बैठयो। ऊंधी बीड़ी लगाय, लगता ई तीन-च्यारेक कस खींच्या। वुआ रा गोठ सूं काच रो पाणी धुंधलो पड़यो। अवकी काच में बकरा से मूंदो निसे आयो। लटकता कान। माथे दो तीखा-तच्च सींगड़ा। कठैई काच सी रंगत तो नी बदलगी। वो जुंझल खाय मांथा माथे आडो हुययो।

पछे खासा दिनां लग वो काच में आपरो मूंदो नी जोयो। तो ई हवा अर तावड़ै रै झीपे पड़दै उणनै आपरो प्रतम दीखण रो भरम हुवतो। वो आपरी काळूँटी छीयां सूं ई आंतरै...आंतरै भाजणी चावतो। पण छीयां ही के उणरो सांढो ई नी छोडती। उणनै आपरी छीयां सूं ई डर लागण लागो। जवर मूंडी गत बिगड़ी।

अकर रीस में भलभड हुय वो कमरा से तालो खोल्यो। तोकर सूं फड़को उधाड़, बरसो मांथा माथे पटक दियो। काच सूंधो करनै सांन्ही-सांन्ह कुरसी माथे जमयो। काच माथे रंजी-ई-रंजी झिल्योड़ी ही। रंजी मांय सूं अणलक अक उणिपारो उघड़्यो। उण माथे भीट पड़ता ई वो कैवण लागो — आजकाले पिंडा छोर्यां लारै रांचण लागो ? अबै तो साव पांखी परवारनी ! हुवे जकी बात म्हने सुमत बता, नीतर आज थारी बातां है।

—थारी-म्हारी बातां तो भेकीज है।

—आं थोथी आडियां सूं अबै नी भरमीजूं। ओटाल, थारा अे लखण तो नी जाण्या हा ! सुमत पड़ुतर दे के थूं सड़का चालती छोर्यां रै लारै चोड़ै-धाड़ै रांवे के नी ?

—राज सी सड़क म्हारै अेकला रै ई पड़ै कोनी। घणा ई मिनख अटी-उठी चालता रैवै। म्है किण-किण रो ध्यान राखूं।

—थूं खास ध्यान राखनै लारो करचो, जद इज तो म्हने थारै माथे इत्ती बंडाळी छूटी। पैला तो म्है कदई थने अैडो ओलवो नी दियो। लाज-बायरा, थूं आ नवी विद्या कद सीखी ? घरवाला कांई भरोसो करनै थने भणावण खातर भेज्यो अर थूं अे छाप उघाड्या ! अवबेरडा, थूं वळे म्हने मूंदो बतावै ?

—जे म्हारा मूंडा सूं थानै अैडी ई ओक्या है तो थें मूंदो जोवो ई कयूं ? म्है डरतो सांन्ही ई नी धकणी चावूं। पण थे नी मानो जिणरो तो म्है कांई करूं ?

—वळे लपर-चपर करै ! अबैई लखण पाछा नी सांवट्या तो जीम खांव लूला।

आ फटकार सुणाय वो रीस में होठ चावण लागो। पछे दो-तीन वळा जोर सूं झाटकनै आखी रंजी झाड़ी। काच मांयलो उणिपारो तो सांन्ही उण माथे ई आंख्यां काढण लागो। चोरी अर सीनाजोरी आज ई परतख आंख्यां दीटी।

—थोड़ी-घणी ई लाज हुवे तो ढकणी में नाक डुबोय मरजा। घरवाला तो रावड़ी खाय टंक टालै। पेट रै गांठां देय थारै घी भेजै। पड़ुदी रा लाडू सांंधै। वारै सपनां सांगै विसवास-घात कर, थूं छोर्यां लारै रांचतो फिरै। बोल, पछे लाज-सरम किण दिन सारु हुवै ?

—म्हारा ई तो की सपना हुवैला। सपना किणी सी लाज-सरम नी पाळै !

—थारै वळे कैडा-कांई सपना है ?

—सपना जैडा सपना। म्हारी क्रमर अर जमाना परवाण सपना !

—पछे घरवालां रै सपना से कांई दीन हुवैला ?

—घरवाला जाणै।

—थूं की नी जाणै ?

—आं हां, म्है तो आपरै सपनां टाल दूजी की बात नी जाणू।

—बंडाल, थूं इत्ती बातां कद सीखयो ?

—अै बातां तो आपै ई सीखीजै।

आ बात सुणतां ई उणनै तरणाटी आयगी। तड़ताड पांच-सातेक लपडां भेली। गाल राता-लाल हुययो। आंख्यां जळजळी हुयगी। धकै उणिपारो निरखण सी हीमत नी हुई। थोड़ी ताल मूंदो ढेर्यां बैठो रह्यो। पछे घांटी पाधरी करनै भीचरी आंख्यां मन-माडै काच सांन्ही जोयो। गालां सी रातोड़ हाल मिटी नी ही। तीन-च्यारेक खीलां फूटगी ही। सेवट हीमत हारतो छेहली धमकी दीवी — अबै कदई छोर्यां लारै रांचतो निगै आयो तो घांटी मरोड नाखूंला।

की पड़ुतर नी भिळ्यो।

आंख्यां गडाय वो अेकटक आपरै प्रतम सांन्ही तठा लग देखतो रह्यो कै जठा लग दरपण मांयली छिब होळै-होळै लोप नी हुयगी।

कै अयाणचक वो झिझकनै ऊमो हुयो। बकाई खावतो बरकण दूको — आ कैडी अजोगती बात हुई ? कांच रै मांय म्हने आपरो उणिपारो ई नी दीसै।

पछे वो सितंगिया रै उनमान दौड़तो-दौड़तो बोरडिंग रै बारै गियो। कंदोई सी दुकान सूं अेक दई-थड़ी अर अेक लाडू लायो।

पाछो कुरसी माथे बैठ काच में देख्यो तो उणिपारो सुमत निगै आयो। गालां सी रातोड़ खरसी कम पड़गी ही।

—अबै रुसणो फिटो कर। ते आ भिठाई खायलै। थारै खातर ई लायो।

—नी खावूं। म्हने कूट्यो कयूं ?

—हाल कांई हुयो, बोछरडायां करैला तो वळे कूटूला। घणो-घणो जंतरावूला

—पछै ओ धोयो लाइ भूँ ? हाथ नी धाकै जितै कूट्या जावो ।

—ते खायतै । घणो बाद मत कर । नीतर वलै भागुला ।

काव मांयलो प्रलभ धोवड़ो सुजाय बोल्यो — मरया ई नी खावुं । धारी ईच्छा हुवै ज्यू कर ।

—अरे भूरखा रा पातसा, म्है तो धारी भलाई खातर इत्तो धयो कसं ।

—धारी—म्हारा भलो किसो न्यारो है ?

—काई धूँ म्हरा सूं न्यारो कोनी ?

—आं हां, अपां दोनुं तो अेक ई हां । फगत ओ दरपण रंझा रो मूळ है ।

—म्हारा कइयो भान । धनै राजी करण साल आ भिठाई लायो । खायतै ।

—पैला इण काव से किळी—किळी बिखेर बारै वगावै तो म्हनै पतियारो हुवै । पछै धारो कह्यो कदैई नीं टाळुं ।

—वचन दैवै ?

—हां, वचन दैवुं ।

तठा उपरांत राम जाणै उणरै कांई जघी कै गामा धोवण सी मोगरी सूं वो उण काव रा टुकड़ा—टुकड़ा कर नांछ्या । गळियारै रा बगदा में फेंक्या टाळ नेहयो नीं हुयो । पछै कोड सूं भिठाई खाई तो दूणी सरसादी लागी । अर वो दिन अर वा घड़ी कै जद—जद भिठाई खावण रो तंत सजतो वो कदैई आळिया—टोळिया नीं करया । उण दिन सूं ई माहोमाह दोनां रै बिचालै अेक अैजो ई नेगम राजीनांवा हुयग्यो । अर आज उण राजीनांवा रै परताप अेक नाकुछ थाणैदार हुवता थकांई लोग—बाग उणरै पाखती पांच लाख रिपियां रो नकदी कुंतै ।



कुंपळ

सवाईसिंह शेखावत

अे बाई, सुण जियाईं खुर बारै आवै, तूं म्हनै बोल दीजे । बापू कह्यो अर आपरी गुडगुडी लेय र पोळ कानी ठुरायो ।

दाखां अेकर पोळ सूं निकळता बापू सी पीठ तक्री, पछै उडती—सी निजरां गाय कानी झांक धम्म देणी—सी पीढे माथै बैठगी । घणी जेज सूं ऊमां—ऊमां बीरी टांगां दूखण लागी ही ।

गाय बुरी तरीकै छटपटावै ही । कदै बैठ । कदै ऊठै । बीने चैन नीं पडै । बार बार ठाण में चक्कर काटै । डगमग कांपती टांगां सूं लइखड़ा र बैठण सी जुगत करै, पण तद ई दरद रो तीखो हिलोरो बीने बुरी भात तड़फाड़ाय जावै अर बा फेरुं ठाण में चक्कर लगाबा लाग जावै । गाय अेक ठौड़ टिक नीं पावै । पीड़ स्यात बेसी ई हुवण लागगी ही ।

दाखां फेरुं अेकर गाय कानी देख्यो । गाय ठाण में पसर र बैठी ही । गौर सूं देख्यां इयां लागै जाणै बीरै हुंकणी लाग रही हुवै । ऊपर—नीचै हुवतो पेट । हळवै—हळवै धूजतो आखो डील । आंख्यां झांकती तीखी पीड़ ।

चाणचक गाय आगतै पगां जोर देयर उठण सी जुगत करी पण लारला पग संभल कोनी सक्या । बीरो डील धूज र धड़ाम सूं भीत में जाय र बाज्यो... झांझ ! दाखां बेगी—सीक लपक र गाय रै नैडै गई । ताह नी गाय रै सांचोसांच ई लागी ही । डावो पसवाड़ो तेज रगड़क सूं छुलग्यो । ताल खून रिसकै हो । रगड़क सूं छुल्या पसवाड़ा नै देखतां पाण दाखां गुमसुम—सी ऊभी रैयगी । मन कियों—कियों हुवण लाग्यो । बा पाछी आय र पीढे माथै बैठगी ।

पोळ सूं बारै दोय आदमी बतळावै हा । बांरी बतळावण बापू सी गुडगुडी रै सहारै डूबै—उतरावै ही । पोळ कानी कान लगा र दाखां घणी जुगत करी कै दूजो आदमी कुण है अर बात किणरै बाबत है पण साफ की नीं पल्लै पड़्यो । हुवै कोई, म्हनै कोई । बा हार र मन में कह्यो । गाय अब तांई ठाण में चक्कर लगावै ही । बीने पल —घड़ी रो ई चैन नीं । सारो ठाण गाय रै खुरा सूं खूंदीज र ओपरो—ओपरो लागै हो ।

—मां हुवती तो बीने क्यूं बैठणो पड़तो। मां मतैई रस्सो की संभाल लेवती। दाखां आपरै मन में विचार करै — मां हुवती तो बा खुलैखालां कह देवती कै देख भावड़ी और क्यूं ई कराय सकै पण आपां सूं औ दरसाव नीं देख्यो जावै। निजरां फेरुं गाय कानी गई। गाय सूनी-सूनी अर निढाल-सी बैठी ही। बा घणी उदास निजर आवै ही। डील सी रूआली छितरी-छितरी अर रंग कालो-रसाह पड़यो हो।

—देख, तूं आज घास सी टाल कर दै। गाय आज डीली-डीली लागै है। रसात आज ई ब्यावै। मां नै घास ताई जावती देखर र बापू कह्यो हो। पण बा किणरी मानै। फेरुं ई नीं ठेरी। दाखां रै मन मां ताई रीस से अक हिलकोरो ऊठ्यो नीं — जे आज जावती तो कोई बिगड़ जावतो ?

गाय ठाण रै बीचूबीच ऊभी हुय र तारलै पमां झुकी। थोड़ी-सो पोतो कह्यो। पण पोतौ तलै पड़ै इणसूं पैला ई बा तड़फ र दूजै कानी गई परी। बीरी तारली टांगां गोबर सूं सड़गी। खिणैक दब र गाय ठाण नै सूंघ्यो, पछै अक चक्कर लगा र फटक देणी-सी बैठगी। मूँढो धरती माथै टेकर र बा जोर-जोर सूं सांसां छोड़ै। आंख्यां दरद सूं फाटी पड़ै। तारलै हिस्से में अक धोले-धोले फूंकलो-सो चिलक्यो। दाखां जोर सूं बापू नै हेलो पाड़वाली ही कै गाय झप देणी ऊभी हुय र भीत कानी गई परी। गाय सी तलमछ अर निमली हालत देख र बीरी आंख्यां में आंसू आयया। ताह नीं क्यूं बीने ह्यां लागै जाणे औ रस्सो की गाय रै नीं हुय र बीरै आपरै सागै हुवतो हुवै।

धन-धन धूलती देही अर इतरी पीड़ ! अक जीव रै जलम सूं मायइ इतरी दुखी हुवै। द्य-द्य-द्य.....दुनिया सांच ई कैवै कै बांझड़ी काई जाणै जाणै सी पीड़। बीरै वेतै खयाल आयो, लुगायां रै ई जद टाबर हुवतो हुवैला तद बै ई इतरी ई दुख पावती हुवैली। अर हां, पारां जिकै दिन कैवै ही कै इण खातर ई ब्याह हुवै।

बीरी आंख्या आगै अतीत डोलयो। पर सी तो बात है। सुंदरपरा रा धनजी चौधरी आया हा। बीरै ई ब्याह से जिकर हो। बा ओसारै सी भीत सी ओट हुय र रस्सो की सुणै ही। बापू चौधरी सी बात मान ली ही। बियां हांकारो तो मां ई भर दियो पण बा कह्यो कै और रस्सो की तो ठीक है पण म्हैं छोरो आंख्यां सूं देखणो चावूं। म्हारी चांद-सी बेटी ताई छेल-गबरु जवान हुवणो चाइजै। दाखां लाजां मरती भाग र कोठै में बड़गी। गुलाबी लाज ओढ्यां बा ताह नीं कितरी जेज काच में आपरो मूँढो देखती रही।

—डांड ! दाखां रै अक झटको-सो लागयो। धरती माथै पड़ी गाय पमां रा फटकारा मारती डांड-डांड करै ही।

—बापू ! जोर सूं हेलो मारयो। गाय बुरी तरह छटपटावै ही। बापू लपक र भीतर आयो। हाथ सी गुड़गुड़ी अककानी गेर बो गाय से पेट सहलावण लागयो।

गाय अजै ई पण पीट-पीट र जोर-जोर सूं डांड-डांड करै ही। गाय सी हालत देख र बीरी आंख्यां में आंसू आयया।

चाणचकां बीने खयाल आयो — ओ.....ह.....तो ब्याह रै पछै बीरी आपरी आई हालत हुवैला। बा अकरसी जोर सूं कांपगी। यूं लाग्यो जाणै अबार ई रोवण दूकैला। नीं-नीं बापू तूं म्हारो ब्याह मत करजै। हे भगवान, म्हैं तो मर ई जावुंली। गाय धरती माथै पसरि पड़ी ही। लांबी जीम बारै निकळ्योड़ी ही। नकतोई झाक धिलकै हा। आंख्यां फाटी-फाटी-सी लागै ही। आखो डील थर-थर धूजै हो। खुर बारै आयया हा। बापू हाथां सूं पकड़ र खींचण सी जुगत करै हो। गाय अकर जोर सूं रांभी। ऊठण सी कोशिश करी, पण थोड़ी-सी ऊठ र हटै जाय पड़ी। दाखां हाथां सूं आपरी आंख्यां मीचली — हे भगवान, म्हैं तो मर जावुंली पण ब्याह नीं करावूं।

बापू उतावलो हुय र खुर खींचै हो। गाय से डील मुरदै सी भांत अवस-सो पड़्यो हो। आंख्यां सी काली टिकड़ी बारै निकळवाली-सी लागै ही। तारलो हिस्सो जोर सूं हालै हो। गांय अकर फेरुं रांभी-डांड ! आगलै ई खिण खून अर जेर सूं लिथड़्यो अक लोथड़ो धरती माथै आय पड़्यो। दाखां घुणा भाव सूं पच्चदेणी थूक र दूजै कानी गई परी।

गाय ऊभी हुय र तेजी सूं हुंकारा भरती खून अर जेर सूं सड़ी बी लोथ नै चाटवा लागगी। बापू घणी जेज बीरी सफाई-सी करतो रह्यो। फेर हाथां रै माटी रगड़तो कैवण लाग्यो-बार्ड, देखे काई है। जा, पाणी ला। टोगड़्या नै तेल देवणो है। बीरै मूँढे अक संतोख भी मुलक ही।

दिन चढ़ता-चढ़ता टोगड़ियो खड़ो हुवण सी कोशिश करण लाग्यो। आ न्यारी बात ही कै बो जद-जद जाय ई पड़ै। पण फेरुं ऊठै। उछाला भरै। भक्ख ऊजलो रंग — सोवण-ऊजला खिरगोस रा बचियां जैड़ो। बुगलै सी पांखा-सा छोटा-छोटा कनड़ा। प्यारो मूँढो। काली टिकड़ी-सी नैनी-नैनी आंख्यां। वो घणो फूटरो लागै। गाय हरख-हरख र बीरो डील चाटै। हुंकारा भरै। मुलकती आंख्यां अर पुलकतै मन दाखां मेथी-बाजरो रांघे।

दाखां सी आंख्यां फेरुं अक नवो-निरालो चितराम ऊग्यो। बीरै सासरै रो आंगणो। नीमड़ी सी छीया। पीढै माथै बैठ र बा अक सोवणै टाबर रा लाड-कोड करै।

दाखां मुलक र गाय कानी देख्यो। गाय अजै ई टोगड़ियै नै चाटै ही। अर टोगड़ियो आपरी थूथणी नै गाय रै थणा में रगड़ै हो।

दाखां रै रूंग-रूंग में अक मीठी मुलक रंगरेल करै। चाणचक बीरै मन में आई कै बा मां नै जाय र पूछै — मावड़ी तूं म्हारो ब्याह कद करसी ?